

გაზეთი ბეჭდის, „ვერსიას“ ერთი

ვერსია



№42 (1632) 26 თებერვალი — 1 ნოვემბერი ოთხშაბათი 2022 წელი 1 ლარი

ყოველკვირეული საზოგადოებრივ-პოლიტიკური გაზეთი www.versia.ge

როგორია ფსიქიკური ჯანმრთელობის პრობლემების მქონე ადამიანების თვალთ დანახული სამყარო

ექსკლუზიური ინტერვიუ ფსიქიკური ჯანმრთელობის პრობლემების მქონე ქალბატონთან



28 თებერვლის არჩევნების სისხლიანი პრელუდია



რატომ მოიცვილა საბჭოთა „კა გე ბე“-მ მერაბ კოსტავა — ბორთის ტრაგედიის 33-წლიანი საიდუმლო

რა შენიშვნები უნდა გაითვალისწინონ დეპუტატებმა 2023 წლის სახელმწიფო ბიუჯეტის განხილვისას



სახელმწიფო აუდიტის სამსახურის დასკვნა ქვეყნის მთავარი ფინანსური დოკუმენტის შესახებ



ვისთვისაა სააკაშვილი „თქროს კვერცხის მდებელი დედალი“

რატომ მოსწონს ჯონდი ბალათურის რუსეთის მოქალაქეების საქართველოში შემოსვლა



რა შენიშვნები უნდა გაითვალისწინონ დეპუტატებმა 2023 წლის სახელმწიფო ბიუჯეტის განხილვისას

მასპ რუხაძე

2023 წლის სახელმწიფო ბიუჯეტის კანონის შესახებ, სახელმწიფო აუდიტის სამსახურმა დასკვნა უკვე გამოაქვეყნა. ვიდრე დასკვნაში ასახულ იმ შენიშვნებსა და რეკომენდაციებს გაგაცნობთ, რაც პარლამენტარებმა აუცილებლად უნდა გაითვალისწინონ, შეგახსენებთ, რომ 2023 წლის სახელმწიფო ბიუჯეტი მთლიანი შიდა პროდუქტის (მშპ) რეალური ზრდის 5%-იან (ნომინალურ გამოსახულებაში 79.6 მილიარდი ლარი) პროგნოზზე დაგეგმილი. ბიუჯეტის კანონის პროექტით, 2023 წლის შემოსულობებისა და გადასახდელების საპროგნოზო მაჩვენებლები, მიმდინარე წლის გეგმასთან შედარებით, 1.5-1.5 მილიარდი ლარით იზრდება. შემოსულობების ზრდა ძირითადად განპირობებულია „შემოსავლების“ მუხლის 1.4 მილიარდი ლარით ზრდით, ხოლო გადასახდელებისა – „ხარჯების“ მუხლის 85 მილიონი ლარით ზრდით. 2023 წლის ერთიანი ბიუჯეტის დეფიციტი 2.3 მილიარდი ლარის ნიშნულზე პროგნოზირებული. დეფიციტის მსგავსად, ვალის წესის მიზნებისთვის დათვლილი მაჩვენებელი მშპ-ს 39.4%-ის დონეზე პროგნოზირებული და ორგანული კანონით განსაზღვრული 60%-იანი ნიშნულის ფარგლებშია.

სახელმწიფო აუდიტორების შეფასებით, მსოფლიოში არსებული ინფლაციური პროცესებისა და მიმდინარე გეოპოლიტიკური მდგომარეობის გათვალისწინებით, მნიშვნელოვანია ფისკალური დისციპლინის მდგრადობა და ფისკალური პოლიტიკის პასუხისმგებლობა განსაზღვრა. აქედან გამომდინარე, 2023 წლის სახელმწიფო ბიუჯეტის კანონპროექტის შემდგომი განხილვის პროცესში, მიზანშეწონილია, საკანონმდებლო ორგანოს წარმომადგენლებმა გაითვალისწინონ სახელმწიფო აუდიტის სამსახურის შემდეგი რეკომენდაციები:

„ბიუჯეტის კანონპროექტზე თანდართული „ქვეყნის ძირითადი მონაცემებისა და მიმართულებების“ დოკუმენტში, 2023 წლისთვის განსაზღვრული ინფლაციის საპროგნოზო მაჩვენებელი 4.7%-ია და საერთაშორისო საფინანსო ინსტიტუტების პროგნოზებთან შედარებით, ოპტიმისტურია; „მაკროეკონომიკური სცენარების ანალიზის“ დოკუმენტში წარმოდგენილი ეკონომიკური შოკები და მათგან გამომწვეული ეფექტები უნდა ეფუძნებოდეს შესაბამის რაოდენობრივ ინდიკატორებს, რაც შესაძლებელს გახდის მათი რეალიზაციის მასშტაბისა და გავლენის შეფასებას/ანალიზს; ასევე, მნიშვნელოვანია, ბიუჯეტის კანონპროექტს ახლდეს



სახელმწიფო აუდიტის სამსახურის დასკვნა ქვეყნის მთავარი ფინანსური დოკუმენტის შესახებ

ინფორმაცია სხვადასხვა ეკონომიკური სცენარის რეალიზების შემთხვევაში, ფისკალური პოლიტიკის შესაბამისი პასუხების შესახებ; გარდა დოკუმენტში წარმოდგენილი რისკებისა, საერთაშორისო სავალუტო ფონდის მიერ იდენტიფიცირებულია დამატებითი მაკროეკონომიკური რისკები. მიზანშეწონილია, ბიუჯეტის კანონპროექტის გადამუშავებულ ვერსიაში გადაიხედოს „მაკროეკონომიკური სცენარების ანალიზის“ დოკუმენტში ასახული რისკები; ფისკალური რისკების კუთხით, საყურადღებოა, სახელმწიფოს საწარმოებიდან (SOE), ელექტროენერჯის შესყიდვასთან დაკავშირებული კონტრაქტებიდან და საჯარო და კერძო თანამშრომლობის პროექტებიდან (PPP) მომდინარე ფისკალური რისკები“, – ვკითხულობთ აუდიტის დასკვნაში.

აუდიტორების შეფასებით, 2021 წელს სახელმწიფო საწარმოთა ჯამური მოგება 376 მილიონი ლარი იყო, რაც მთლიანად განპირობებული გახლდათ ეროვნული ვალუტის გამყარების შედეგად გამოწვეული კურსთაშორის სხვაობიდან მიღებული მოგებით – 515 მილიონი ლარი. აღსანიშნავია, რომ ბოლო შვიდი წლის განმავლობაში, საწარმოთა ნაერთი ფინანსური შედეგი დადებითი მხოლოდ 2019 წელს იყო. სახელმწიფო აუდიტორებს მომდევნო წლის ბიუჯეტთან დაკავშირებით,

სხვა რეკომენდაციებიც აქვთ, რაც პარლამენტარებმა აუცილებლად უნდა გაითვალისწინონ:

„საჯარო ფინანსების სტატისტიკის წარმოების მიზნებისთვის, საქართველოს კანონმდებლობაში პირობითი ვალდებულებების ცნება განმარტებული არ არის. მიზანშეწონილია, ფინანსთა სამინისტრომ საკანონმდებლო დონეზე უზრუნველყოს პირობითი ვალდებულებების განმარტება, მათი მოცულობის შეფასება და შესაბამის საბიუჯეტო დოკუმენტებში წარმოდგენა; რაც შეეხება ფისკალურ წესებს, ერთიანი ბიუჯეტის დეფიციტი 2.9%-ის დონეზე პროგნოზირებული და 2023 წელს, „ეკონომიკური თავისუფლების შესახებ“ ორგანული კანონით დაწესებული 3%-იანი ლიმიტის ფარგლებში ბრუნდება; ორგანული კანონით განსაზღვრული 60%-იანი ლიმიტის ფარგლებშია პროგნოზირებული ვალის წესის მიზნებისთვის დათვლილი მაჩვენებელიც, რომელიც 39.4%-ს უტოლდება. გასათვალისწინებელია, რომ აღნიშნული მონაცემი არ მოიცავს სამთავრობო სექტორად დაკლასიფიცირებული სახელმწიფო საწარმოების ვალდებულებებს, რომლის ჩათვლით, მაჩვენებელი 39.7%-მდე იზრდება“.

გარდა ამისა, სახელმწიფო აუდიტორების შეფასებით, საყურადღებოა, რომ ბოლო წლებში, ცვლადი საპროცენტო განაკვეთის მქონე სესხების წილი მთავრობის საგარეო ვალში ზრდადი ტენდენციით ხასიათდება და 2022 წლის 31 აგვისტოს მდგომარეობით, 47%-ს შეადგენს (2018 წელს, 41% იყო). ვალის პორტფელში აღნიშნული ტიპის სესხების მაღალი წილი, მონეტარული პოლიტიკის გლობალური გამკაცრების პირობებში, ვალის მომსახურების (პროცენტის) ხარჯის ზრდას იწვევს. მომდევნო წლის ბიუჯეტის პროექტში წარმოდგენილი პროგნოზებით, მთავრობის ვალის მომსახურების ხარჯი (პროცენტის ხარჯი) 398 მილიონი ლარით იზრდება. საპროცენტო ხარჯების მშპ-სთან ფარდობის მაჩვენებელი მაღალ ნიშნულზე ნარჩუნდება საშუალოვადიან პერიოდშიც:

„აქედან გამომდინარე, მნიშვნელოვანია, რომ ვალის მართვის სტრატეგიით განისაზღვროს ვალის მომსახურების ხარჯების შეფასების ინდიკატორები, ზღვრული მაჩვენებლები აღნიშნულ ინდიკატორებთან მიმართებით და სტრატეგიაში მოცემული მიზნობრივი მაჩვენებლების პოტენციური გავლენა ამ ინდიკატორებზე. სახელმწიფო ბიუჯეტში განსაზღვრული ცალკეული პროგრამების/ქვეპროგრამების შემთხვევაში, შეინიშნება სხვაობა

დასასრული მე-6 გვერდზე




28 ოქტომბრის არჩევნების სისხლიანი პრელუდია

მანო კავლიაშვილი

ზუსტად 32 წლის წინ, 1990 წლის 28 ოქტომბერს, საქართველოში პირველი მრავალპარტიული არჩევნები ჩატარდა. მაშინ ამ არჩევნებზე მთელი ერთი დღე იმედს ამყარებდა და, მინიმუმ, იმას მაინც ვარაუდობდა, რომ მრავალპარტიული არჩევნები საბჭოთა დიქტატურას დაამხობდა. მართლაც, ასე მოხდა, თუმცა მრავალპარტიულობა, ღვთისმშობლის წილხვედრი ქვეყნის შვილებმა, ჩვენებურად გავიგეთ და დღეს ჩვენს ქვეყანაში, ალბათ, ორასი პარტია მაინც არსებობს ანუ ხუმრობენ ხოლმე, ვინც სამსახურს ვერ შოულობს, პარტიას ქმნისო. ხუმრობა იქით იყოს და, დემოკრატიის სიომ საქართველოში ბევრი უბედურება მოიტანა, რაც ალბათ, ლოგიკურიც იყო – სახეშეცვლილ ბოლშევიკებს ხელისუფლება არ ეთმობოდათ და ამიტომ, ყოველნაირ ბოროტებაზე აწერდნენ ხელს. ერთ-ერთი ყველაზე დიდი ბოროტება კი ეროვნული გმირის, მერაბ კოსტავას ლიკვიდაცია იყო. მართალია, კოსტავას გარდაცვალების მიზეზად, ოფიციალურად, ავტოსაგზაო შემთხვევა დასახელდა, მაგრამ 33 წელია, არსებობს საფუძვლიანი ეჭვი, რომ ეროვნული მოძრაობის თვალსაჩინო ლიდერი მიზანმიმართულად მოიშორეს, თან მოიშორეს მაშინ, როცა პირველი მრავალპარტიული არჩევნები კარს იყო მომდგარი ანუ უბედური შემთხვევა 28 ოქტომბრის არჩევნებამდე ზუსტად ერთი წლით ადრე, 1989 წლის 13 ოქტომბერს, ხარაგაულის რაიონის სოფელ ბორითთან მოხდა. ავტოავარიის საბაბ-მიზეზი – არც მეტი, არც ნაკლები – ხბო გახდა და სწორედ ამის გათვალისწინებით, სკეპტიკოსები, ალბათ, იტყვიან, მკვლელობა რა შუაშია; რა, მკვლელობის დამგვემავ-შემკვეთებმა პირუტყვი ისე „გაწვრთნეს“ და დაარბიეს, რომ ბორითის ტრასაზე სწორედ მაშინ გახიდულიყო, როცა იქ „ნივა“ გამოჩნდებოდაო?! ეს არგუმენტი, ერთი შეხედვით, ალოგიკური არაა, მაგრამ არ დაგავიწყდეთ: მართალია, სულს ლაფავდა, მაგრამ 1989 წელს, საბჭოთა კავშირი, ყოველ შემთხვევაში, მისი უშიშროების სამსახური ჯერ კიდევ „ერთ მუშტად იყო შეკრული“. ჰოდა, რა გასაკვირია, რომ წითელმა მონსტრებმა ყველაფერი ისე მოაწყვეს, მომხდარს უბედური შემთხვევის ელფერი ჰქონოდა და არა – შეკვეთილი მკვლელობის!.. 28 ოქტომბრის პირველი მრავალპარტიული არჩევნებიდან 32 წლის შემდეგ, „ვერსია“ მერაბ კოსტავას იდუმალებით მოცულ გარდაცვალებას მიზანმიმართულად იხსენებს, რადგან წელანდელი თქმისა არ იყოს, პასუხგაუცემელი კითხვა ბევრია და იმის განცდაც არსებობს, მერაბი ცოცხალი რომ ყოფილიყო, დამოუკიდებელი საქართველოს ისტორია, შესაძლოა, ამდენი სისხლით არ დაწერილიყო.

მაშ ასე: როგორ დაიგეგმა 1989 წლის 13 ოქტომბრის ტრაგედია? – „ვერსია“, ტრადიციულად, პირად არქივსა და ინტერნეტში გაფრცხლებულ ინფორმაციებზე დაყრდნობით, მე-20 საუკუნის ერთ-ერთი ყველაზე დიდი ტრაგედიის X-ფაილს ადგენს, ტრაგედიისას, რომლის საიდუმლოც 33 წელია, არ გაშიფრულა და რომელმა ტრაგედიამაც საქართველოს უახლესი ისტორია ყირაზე დააყენა!



ტატომ მოიცილა საბჭოთა „კა გე ბე“-მ მერაბ კოსტავა – ბორითის ტრაგედიის 33-წლიანი საიდუმლო

რი მკვლელობებს? – ეს კითხვა რამდენიმე წლის წინ სპეცსამსახურის ყოფილ თანამშრომელს დავუსვი და იქვე ჩავეკითხე, გჯერათ, რომ მერაბ კოსტავა უბედურ შემთხვევას ემსხვერპლა-მეთქი? მახსოვს, თანამოსაუბრემ ორაზროვნად შემომხედა და ხანმოკლე პაუზის შემდეგ, მომიგო:

„მერაბ კოსტავა ეროვნული მოძრაობის შემკვერელი და სულისჩამდგმელი იყო ანუ იმის თქმა მინდა, რომ ეროვნული მოძრაობის ახალგაზრდა და ასაკოვან თაობას ერთმანეთთან აკავშირებდა. ამიტომაც, პირველად, სწორედ მერაბი მოიცილეს“.

მერაბ კოსტავას მოცილების ვერსია მოგვიანებით ანუ მას შემდეგ უფრო გამყარდა, როცა ზვიად გამსახურდიაც გაურკვეველ ვითარებაში გარდაიცვალა. ისე, მერაბისა და ზვიადის სიკვდილს შორის, შეიძლება, პირდაპირი კავშირი არ არსებობს, მაგრამ ეს ორი ტრაგედია ერთმანეთს რალაცით ჰკავს. ამიტომაც, უშიშროების ყოფილი მაღალჩინოსანი, რომლის ინტერვიუც ჩემს პირად არქივში ინახება, ბორითის ტრაგედიიდან, პირდაპირ, ზვიად გამსახურდიას გარდაცვალებაზე გადავიდა. ამასთან, მახსოვს, საუბრისას რუსეთის აგენტებიც ახსენა, ლუსტრაციის კანონიც და ამ კონტექსტში ბევრი საინტერესო მინიშნება გააკეთა. მოკლედ, ბევრი რომ არ გავაგრძელო, გთავაზობთ სკანდალურ ამონარიდებს ამ ინტერვიუდან:

„– 1990 წლის მინურულს, როცა კოსტავა ავტოკატასტროფაში დაიღუპა, საბჭოთა კავშირი უკვე სულს ლაფავდა...“

– ესეც „კა გე ბე“-ს გეგმა იყო... როგორ გგონიათ, საბჭოთა კავშირი „კა გე ბე“-ს გარეშე დაიშალა? სხვათა შორის, გახრწნის პროცესი, სწორედ საბჭოთა უშიშროებაში დაიწყო.

– ეს, როგორ?

– როგორც კი, ეროვნული მოძრაობები გააქტიურდა, ეროვნული მოტივები „კა გე ბე“-ს თანამშრომლებშიც გაჩნდა. ამიტომ, სისტემა ისეთი მძლავრი აღარ იყო, რომ საბჭოთა კავშირის იდეოლოგია უზრუნველყო!..

საერთოდ, საბჭოთა კავშირი ნაციონალური სახელმწიფოების ნაკრები იყო, რომლის ნაციონალური პოლიტიკაც სტალინს ებარა. სხვათა შორის, ლენინმა თავის დროზე თქვა, რუსი ბიუროკრატი „პადლეცია“ და „ნასიდნიკიაო“... მოკლედ, მართალია, საბჭოთა კავშირის კონსტიტუციაში ეწერა, რომ კავშირიდან გასვლის უფლება ნებისმიერ რესპუბლიკას ჰქონდა, მაგრამ ეს კონსტიტუცია ე.წ. „საბჭოთა ერების“ უფლებებს არ იცავდა. საბჭოთა კავშირი ძალადობრივ დიქტატურაზე დამყარებული სახელმწიფო იყო, რომლის იდეოლოგიაც სტალინის რეჟიმმა განამტკიცა. ყველაფერ ამის სულისჩამდგმელი, სამწუხაროდ, ქართველი, უფრო

სწორად, ბოროტი ქართველი იყო – იმაზე დიდი ბოროტება რალა უნდა იყოს, რომ 1921 წელს, საქართველოს მენშევიკური მთავრობა, სწორედ ქართველებმა დაამხეს და რუსულ მე-11 არმიას საქართველოში შემოუძღვნენ?! სამწუხაროდ, ისტორიას ხშირად არ ვიხსენებთ...“

ისიც, რაც საქართველოში მე-20 საუკუნის 90-იანი წლების დასაწყისში მოხდა, გარკვეულწილად, რენე-გატი ქართველების ორგანიზებული იყო... 200 წელია, რუსულ იმპერიას თავი ვერა და ვერ დავაღწიეთ...“

– თუ იცით, „ბორითის ოპერაციაში“ ანუ მერაბ კოსტავას ლიკვიდაციაში კონკრეტულად ვინ მონაწილეობდა?

– ეს არ ვიცი, რადგან მაშინ უშიშროებაში არ ვმუშაობდი.

– შეიძლება, მაგრამ სპეცსამსახურში არქივი ხომ დაგხვდათ?

– არქივში ასეთი ინფორმაცია, როგორც წესი, არ ინახება, თან არქივის დიდი ნაწილი საქართველოდან იქამდე გაიტანეს, ვიდრე დამოუკიდებლობა აღდგებოდა.

– ანუ, კომუნისტებმა თადარიგი დაიჭირეს და არქივი ხელისუფლებაში „მრგვალი მაგიდის“ მოსვლამდე გადაამალეს?

– დიახ, „მრგვალ მაგიდას“ უშიშროებაში, პრაქტიკულად, ცარიელი ადგილები დახვდა. რუსებმა, პირველ რიგში, აგენტურული და პირადი საქმეები გაიტანეს. ის მცირეოდენი კარტოთეკა კი, რაც დატოვეს, მათ ხელში აღმოჩნდა, რომლებიც ეროვნული მოძრაობის სათავეებთან იდგნენ. ჩემი ინფორმაციით, ყველაფერ ამაზე ელიზბარ ჯაველიძემ უნდა იცოდეს... ისე, „კა გე ბე“-ს არქივები საქართველოდან ორმა ქართველმა გაიტანა, აქედან ერთი გარდაცვლილია... არქივი სმოლენსკში წაიღეს... საქართველოში ლუსტრაციის კანონის მიღება შეუძლებელი სწორედ იმიტომ, რომ არქივი აღარ არსებობს – თუ დოკუმენტები არ არსებობს, მხოლოდ ლუსტრაციის კანონით საბჭოთა აგენტურის გამოვლენა, პრაქტიკულად, შეუძლებელია...“

– ...ლუსტრაციის კანონის არმილებით საქართველომ რა დაკარგა?

– რა, და, საბჭოთა „კა გე ბე“-ს ე.წ. ოპერატიულმა წყაროებმა ხელისუფლების ყველა ეშელონში შეაღწიეს, გავლენის აგენტები გახდნენ და რუსეთის ფედერაციის ინტერესების სასარგებლოდ მოქმედებენ...“

ლუსტრაციაზე საუბრისას, გასათვალისწინებელია ის რისკ-ჯგუფები, რომლებზეც ოპერატიული მეთვალყურეობა დღესაც უნდა წარმოებდეს. ასეთი აგენტურა, შესაძლოა, რამდენიმე ჯგუფად დავყოთ: 1. ყოფილი საბჭოთა კავშირის სუკ-ის მესამე მთავარი

დასასრული მე-4 გვერდზე

28 თებერვლის არჩევნების სისხლიანი პრელუდია

მე-3 გვერდიდან

სამმართველოსა („ასობი ატდელი“) და „გე რე უ“-ს აგენტურული აპარატი; 2. ყოფილი საბჭოთა კავშირის სუკ-ის პირველი სამმართველოს (დაზვერვა) და ე.წ. „პე გე უ“-ს აგენტურული აპარატი, რომელიც როგორც წესი, საზღვარგარეთ, საბჭოთა მოქალაქეების გამგზავრებისას გამოიყენებოდა; 3. „კა გე ბე“-ს მიერ, მე-20 საუკუნის 80-იანი წლების შემდგომ გადაბირებული; 4. სამეცნიერო წრეებიდან გადაბირებული აგენტურული აპარატი; 5. საბჭოთა სუკ-ის ე.წ. „მე-5 სამმართველოს“ ანუ იდეოლოგიური კონტრდაზვერვის აგენტურული აპარატი. ამასთან, მნიშვნელოვანია საბჭოთა მენტალიტეტის მატარებელი რისკ-ფგუფებიც – „კა გე ბე“-ს ყოფილი თანამშრომლები, პარტიული და საბჭოთა ნომენკლატურა, ე.წ. საბჭოთა ინტელიგენცია... პირველი რისკ-ფგუფის გამოვლენა შეუძლებელია, სხვა ფგუფების ლუსტრირება კი, ნაწილობრივია შესაძლებელი. ამასთან, ქართული ძალოვანი უწყებები ერთხელ და სამუდამოდ უნდა გათავისუფლდნენ „კა გე ბე“-ს ოფიცრებისგან...

რუსეთის დღევანდელი სპეცსამსახურების, კერძოდ, იდეოლოგიური კონტრდაზვერვის ყურადღების ცენტრში მუდამ იქნება საბჭოთა მენტალიტეტის რისკ-ფგუფი ანუ ე.წ. საბჭოთა ინტელიგენცია, რომლითაც საქართველოში რუსული იდეოლოგიის შენარჩუნებას ცდილობენ.

დარწმუნებული ვარ, რომ რუსეთი საქართველოდან გატანილ უშიშროების არქივებს არ დააბრუნებს, მაგრამ მიუხედავად ამისა, ლუსტრაციის კანონის მიღება ისტორიული აუცილებლობაა. სხვათა შორის, ლუსტრაცია ერთგვარად აქტი არაა, ის მუდმივი პროცესია, რომელიც საქართველოს სპეცსამსახურების მუშაობაზე დამოკიდებულია...

მკვლელი ხბო თუ საბურავი?

მოკლედ, თუკი სიღრმეში წავალთ, გაჩნდება გონივრული ეჭვი, რომ საბჭოთა სპეცსამსახურები მერაბ კოსტავას იმთავითვე „გამორჩეულად“ ვერ იტანდნენ. ცხადია, „ვერსია“ იმას არ ამბობს, რომ ეროვნული მოძრაობის სხვა ლიდერებს წითელი მმართველობა ხელისგულზე ერბო-კვერცხს უწვავდა, მაგრამ კომუნისტებმა მხოლოდ მერაბ კოსტავა და ირაკლი ნერეთელი გააცემბირეს, ამ სიტყვის პირდაპირი მნიშვნელობით ანუ როგორც ჩანს, ლენინის სულიერი შვილები იმედოვნებდნენ, რომ კოსტავა ციმბირის კლიმატს ვერ გაუძლებდა და სულს განუტყეებდა, მაგრამ საქართველოს დამოუკიდებლობის დღეს დაბადებული ეროვნული გმირი სისხლისფერ დემონებს არ დანებდა და, მართალია, ჯანმრთელობაშერყეული, მაგრამ სამშობლოში მაინც დაბრუნდა. საერთოდ, ისინი, რომლებსაც 70-80-იანი წლების ეროვნული მოძრაობა კარგად ახსოვთ, მინიმუმ, პირად საუბრებში არ მალავენ, რომ მერაბ კოსტავა კლასიკოსის ვაჟს აბალანსებდა. არადა, იმისთვის, რომ ეროვნულ მოძრაობას სახელი გასტეხოდა, ექსცენტრიულობა იყო საჭირო. მაშასადამე, პოლიტიკური ღმერთები და პოლიტიკური სამოთხიდან განდევნილი ანგელოზები ხვდებოდნენ, რომ სანამ კოსტავა ცოცხალი იქნებოდა, მიზანი საშუალებას ვერ გაამართლებდა ანუ ეროვნული მოძრაობის დისკრედიტაცია ვერ მოხერხდებოდა. აქედან გამომდინარე, მძაფრდება გონივრული ეჭვი, რომ ის, რაც 1989 წლის 13 ოქტომბერს, ბორითში მოხდა, დიდი ხნის განმავლობაში მზადდებოდა. ამ ვერსიას, პირდაპირ თუ ირიბად, თამარ ჩხეიძეც იზიარებს. სხვათა შორის, 1989 წლის 13 ოქტომბერს, ესე იგი, ტრაგედიის დღეს, ავტომანქანას სწორედ თამარ ჩხეიძე მართავდა. ერთ-ერთ სტატიამში, რომელიც 2013 წლით თარიღდება, ნათქვამია:

„თამარ ჩხეიძის აზრით, რაღაც ეტაპზე, მერაბ კოსტავა ხელშემშლელ ფიგურად იქცა იმ სცენარის განხორციელებისთვის, რაც დაგეგმილი იყო. სცენარი კი სწორედ ისე დაგეგმეს, რაც შემდგომში განხორციელდა – ქართული პოლიტიკის სრულიად არასწორი მიმართულებით წარმართვა, ჩვენი ერის კონფლიქტებში ჩათრევა, ქართული საზოგადოების შიგნით სამოქალაქო დაპირისპირების გაღვივება, პროცესების არარეალისტურად წარმართვა. ამას კი განსაკუთრებით ორი



ადამიანი უშლიდა ხელს – მერაბ კოსტავა და ზურაბ ჭავჭავაძე (ბორითის ტრაგედიის შედეგად, 1989 წლის დეკემბერში, ზურაბ ჭავჭავაძეც გარდაიცვალა – ვ.პ.).

ამასთან, თამარ ჩხეიძე ფიქრობს, რომ რა ეტაპზეც ზვიად გამსახურდიამ მათ მიერ გათვალისწინებული სცენარისთვის საკუთარი თავი ამოწურა, ისიც მოკლეს.

მართალია, მერაბ კოსტავას დაღუპვასთან დაკავშირებით, ამ ეტაპზე, გამოძიების დონეზე არ არის გარკვეული, იმ ტრაგიკულ გზაზე საბურავი გამოვარდა თუ ხბომ გადაიბრინა, მაგრამ თამარ ჩხეიძის თქმით, საამისო ფოტომასალაც არსებობს, რომ საეჭვო საგანი სწორედ შავი საბურავი იყო, რამაც ავარია გამოიწვია.

„სავსებით შეეძლოთ, სამუხრუჭე სისტემა ხელოვნურად გაეფუჭებინათ, რათა მანქანა ვერ შემეჩერებინა. მანამდე, ჩვენ ქუთაისის ერთ-ერთ შენობაში ვიყავით შესულნი და იმ დროს ეს თავისუფლად შეეძლოთ გაეკეთებინათ. სხვათა შორის, მერაბი ელოდა მსგავს სცენარს იმპერიული ძალისგან, მუდმივად ჰქონდა იმის შეგრძნება, რომ მის წინააღმდეგ რაღაც მზადდებოდა, ნემსის გაკეთებასაც ამიტომ უწევდა წინააღმდეგობას. ლაპარაკის საშუალება აღარ ჰქონდა, მაგრამ მაინც წინააღმდეგობას სწევდა. ზურაბ ჭავჭავაძეც თავისით არ დაიღუპა, ის უკვე გამოჯანმრთელების გზაზე იყო და სრულიად ხელოვნურად შეყარეს ჰეპატიტის ერთ-ერთი სახეობა, რომელიც სწორედ სისხლით გადადის“, – აცხადებს თამარ ჩხეიძე.

ბრავედია უბიროდ

1977 წელს, ანტისაბჭოთა საქმიანობისთვის, მერაბ კოსტავა და ზვიად გამსახურდია დააპატიმრეს. პატიმრობის სამი წელი მერაბმა პერმში გაატარა... გათავისუფლებამდე რამდენიმე თვით ადრე, პროვოკაცია მოუწყვეს, 5 წელი დაუმატეს და, როგორც „ხულიგანი“, ციმბირში (ტაიშეტის ოლქი, სოფელი კვიტოკი) გაამწყესეს... სწორედ ამ დროს, 1985 წელს, მერაბ კოსტავას ვაჟი, 25 წლის ირაკლი საეჭვო ვითარებაში იღუპება. მერაბ კოსტავა პატიმრობიდან 1987 წელს თავისუფლდება. მის საქართველოში დაბრუნებას ეროვნულ-განმათავისუფლებელი მოძრაობის აზვირთება მოჰყვება.

„1978 წლის 14 აპრილს, რუსთაველის გამზირზე, მთავრობის სასახლის წინ, დედაენასთან დაკავშირებით ახალგაზრდობა რომ გამოვიდა, პირველად მაშინ დავინახე პლაკატი – „თავისუფლება ზვიად გამსახურდიასა და მერაბ კოსტავას!“ ხალხი კითხულობდა, ვინ არის მერაბ კოსტავა, რატომ თავისუფლება, დაპატიმრებულია?“ მოგვიანებით გავიგე, რომ სამხატვრო აკადემიის სტუდენტები ხეზე ავიდნენ და ეს პლაკატი ისე აღმართეს. ათწლიანი პატიმრობიდან სამშობლოში მერაბი ძალიან თავისუფალი, ლალი დაბრუნდა. ეტყობოდა, რომ ძალიან ბევრი ჰქონდა ნაფიქრი ყველაფერ იმაზე, რაზეც მანამდეც წერდა. გარშემომყოფებს არასდროს ახვევდა ვაჟიშვილის გარდაცვალებით გამოწვეულ

ტკივილს“, – იხსენებს ციციხო მალაფერიძე...

სხვათა შორის, 1987 წელს, გადასახლებიდან ახლად დაბრუნებული მერაბ კოსტავას ინიციატივით, თბილისში, ახალგაზრდების ჯგუფმა 26 მაისი ანუ საქართველოს დამოუკიდებლობის დღე აღნიშნა. მერე, წლები რომ გავა, ციციხო მალაფერიძე ამ დღეს ასე გაიხსენებს: „ჯავახიშვილის #1-ში (ამჟამად, ზანდუკელის ქუჩა), მერაბის ეზოში 30-მდე ახალგაზრდა შეიკრიბა. მცირერიცხოვანი, მაგრამ პირველი მიტინგი ჩატარდა. ჩვენთვის ეს მაშინ სიახლე იყო. მერაბმა, სიტყვით გამოსვლისას, ამ დღის მნიშვნელობა ახსნა და დაკარგული დამოუკიდებლობის დაბრუნებისთვის ბრძოლაზე ისაუბრა. შემდეგ თავისი სახლის სახურავზე სამფეროვანი დროშა აიტანა და დაჰკიდა. დაახლოებით, საათნახევარში მილიციელები მოვიდნენ და მერაბს დროშის ჩამოღება მოსთხოვეს. რა თქმა უნდა, უარი მიიღეს. მერე დროშა თავად მილიციელებმა ჩამოიღეს, რაზეც მერაბმა ასეთი რამ უთხრა, ცოტა ხანში, მთელ საქართველოში, ყველა სახლის სახურავზე ეს დროშა იქნება აღმართული. ამის შემდეგ მერაბმა თქვა, სიონისკენ წავიდეთო და რუსთაველს გაუყუევით, ჩვეულებრივად, ტროტუარზე მივდიოდით. მერაბს უკვე სცნობდნენ და გზადაგზა ახალგაზრდები გვიერთდებოდნენ. ლესელიძის ქუჩასთან მილიციის კორდონი დაგვხვდა, სიონისკენ ჩასვლის საშუალებას არ გვაძლევდა, მაგრამ კორდონი გავარღვიეთ და გზა გავაგრძელებთ. სიონთან ახლოს, სანაპიროზე გაჩერების საშუალება არ მოგვცეს, რადგან უკვე 500-მდე ვიყავით და იცოდნენ, რომ იქ ხალხი შემოგვემატებოდა. გვითხრეს, „ბერიკონში“ შედით და მიტინგი იქ ჩატარეთ... იმ საღამოს სუფრა ვაჟა ადამიას სახლში გაიშალა და მერაბის დაბადების დღე ერთად აღნიშნეს“.

26 მაისი – საქართველოს დამოუკიდებლობისა და საკუთარი დაბადების დღე, მერაბ კოსტავამ ბოლოს 1989 წელს აღნიშნა: როგორც თვითმხილველები ამბობენ, იმ დღეს უნივერსიტეტის პირველი კორპუსის წინ, მრავალათასიანი მიტინგი გაიმართა. მანამდე კი, მერაბს ნარიყალაზე სამფეროვანი დროშა აუტანია.

1989 წლის 26 მაისს, მერაბ კოსტავა 50 წლის გახდა... იმ დღეს მერაბმა ერთი უცნაური საჩუქარი მიიღო – ხის გადაჭრილი ტოტი, რომელზეც 50 სანთელი ენთო... იმ სანთლებთან ერთად, მერაბ კოსტავაც სიცოცხლევ ჩაინვა...

და მაინც, რა მოხდა 1989 წლის 13 ოქტომბერს, ბორითთან? – ესაა კითხვა, რომელსაც პასუხი ტრაგედიიდან 33 წლის მერეც არ გასცემია... ისე, ამ 33 წლის განმავლობაში, საქართველომ ათასი უბედურება გადაიტანა... რამდენიმე ხელისუფლება შეიცვალა, მაგრამ... სამწუხაროდ, ერთსაც არ მოსვლია აზრად, რომ ბორითის ტრაგედია ხელახლა გამოეძიებინა.

რატომ? – ალბათ, იმიტომ, რომ ბორითის საიდუმლოს გაშიფვრა ბევრ რამეს ყირაზე დააყენებს...

ვისთვისაა სააკაშვილი „ოქროს კვერცხის მდებელი დედალი“

რატომ მოსწონს ჯონდი ბალათურის რუსეთის მოქალაქეების საქართველოში შემოსვლა



თათია ბონაძე
598-43-50-34

საპარლამენტო ოპოზიციის ბოლო დროს ბევრი კრიტიკოსი გამოუჩნდა არა ხელისუფლების, არამედ, ოპოზიციის რიგებში. ქვეყანაში პოლიტიკური პროცესის არასწორად წარმართვაში არასაპარლამენტო ოპოზიციური პარტიები, მმართველ ძალასთან ერთად, იმ ოპოზიციონერებსაც აკრიტიკებენ, რომლებიც საკანონმდებლო ორგანოში სადეპუტატო მანდატებს ფლობენ. სწორედ ოპოზიციის კრიტიკით დაიწყო საუბარი „ვერსიასთან“ პარტია „ქართული დასის“ ლიდერმა შონდი ბალათურისმა, რომელიც მიიჩნევს, რომ საპარლამენტო ოპოზიციის ქვეყნის საწინააღმდეგოდ მოქმედებს:

– პარლამენტი არ მუშაობს ისე, როგორც უნდა მუშაობდეს, აცდენილია სახელმწიფოს ინტერესებს და დეპუტატები, ძირითადად, დაკავებული არიან თეატრალური ისტერიკის ჩვენებით ეკრანზე, ეკრანს მიღმა კი კორუფციით, წილების გაყოფით და ა.შ. სიტყვა „ოპოზიცია“ საერთოდ შეუსაბამოა პარლამენტში მყოფი დეპუტატების აბსოლუტური უმრავლესობისთვის, რომლებიც სრულიად სამარცხვინოდ იქცევიან. ყველა მათი განცხადება ქვეყნის საგარეო თუ საშინაო პოლიტიკაზე, სრულიად სამარცხვინოა და ფსკერს ქვემოთაა. ამკარად იგრძნობა ინტელექტუალური და მორალურ-ზნეობრივი სილატაკე. მტრულ განცხადებებს აკეთებენ ქვეყნის წინააღმდეგ და მათი ძირითადი ნაწილი დაინტერესებული და ჩართულია, რომ ქვეყანა ჩაითრიონ ომში რუსეთთან. ხელისუფლების ბოლოდროინდელი საქციელი, მხოლოდ საგარეო პოლიტიკასთან დაკავშირებით, რომელიც რუსეთთან ომის თავიდან აცილებას ეხება, ნამდვილად პასუხისმგებელია. ეს ნაწილი სწორი იყო და მადლობა ღმერთს, რომ დღეს თბილისი არ იბომბება, დახლებზე პურია და სანჯავიკ გვაქვს, ეს ნამდვილად მათი დამსახურებაა, ამას ვაფასებ.

– ბატონო ჯონდი, როგორც ჩანს, საკანონმდებლო ორგანოში მყოფ ყველა ოპოზიციურ პარტიას „ერთ ქვაბში ხარშავთ“... თქვენ რომ იყოთ მათ ადგილას, რას გააკეთებდით?

– გამოვიდა, რომ ყველა პარტია „ერთ ქვაბში მოვხარშე“, მაგრამ ყველა ადამიანს ნამდვილად – არა... პარტიების სახელებშია პირობითი სხვაობა, თორემ რეალურად, სააკაშვილმა და ნაციონალურმა მოძრაობამ შეინოვა თითოეული მათგანი, მთელი ე.წ. ოპოზიცია. ისინი ნაცმოდრობის „ნამსხვრევები“ არიან, რომლებმაც ჩათვალეს, რომ მიშას გარეშე უფრო ხეირიანად შეიძლება ვაჭრობა ხელისუფლებასთან და რომ ვერ ივაჭრეს, ისევ მიშას ჩრდილქვეშ არიან. მიშამ შეისრუტა მის პარტიაში მყოფი ოპოზიციაც კი, რომელთაგანაც იყო მცდელობა, ის ჩაეჩოჩებინათ და მართვადაც მიშა შეექმნათ... ისინიც „ჩაყლაპა“ მიშამ. ისინი ვერ შედგენენ დამოუკიდებელ, მიშას გარეშე არსებულ ფიგურებად და ამაში ხელს უწყობდა ხელისუფლებაც და დასავლეთიც, რადგან დასავლეთი გრძნობს, მიშას კი უჭირავს სტაბილური რეიტინგი, მაგრამ „ჭერია“, რომლის ზემოთაც ვერ ადის. არადა, დასავლეთის ტოტალიტარულ-ლიბერალური, ფსევდო-ლიბერალური პარტია, რომელსაც ბაიდენი ხელმძღვანელობს, ხედავს, რომ აქ სჭირდება უფრო აგრესიული პროდასავლური ძალა. „ოცნება“ არის პროდასავლური ძალა და მის ნებისმიერ სურვილებს ასრულებდა აქამდე, მაგრამ ეს საკმარისი არაა. ამ ეტაპზე, მათ სჭირდებათ აგრესიული, ლიბერალური, დასავლეთისგან მართული ძალა, რომელიც ქვეყანას ომში შეიყვანდა რუსეთთან.

მათ ასეთი კონცეფცია აქვთ – რაც უფრო მეტი ცხელი წერტილი გაიხსნება რუსეთისა და ჩინეთის ირგვლივ, ეს გამოიწვევს ამ ქვეყნების სამხედრო, პოლიტიკური და ეკონომიკური რესურსების გაფანტვას. ეს თეორიულად, შეიძლება, დამაჯერებლად უღერდეს, მაგრამ საქართველოს შემთხვევაში სასაცილოა, რადგან საქართველოს არ შესწევს ძალა, რამენაირად გამოიწვიოს რუსეთის რესურსების გაფანტვა. ჯარების შემოყვანაც არ დასჭირდება რუსეთს, ჩრდილო კავკასიაში განლაგებული სარაკეტო სისტემებით შეუძლია, ნებისმიერ წერტილს მიწვედეს და გაანადგუროს. აქ დასავლეთის მითითებებითა და დიქტატიტაა სწორედ ის, რომ ჩვენ არმია არ გვყავს, 25 000–მდე შეამცირეს და გვაიძულეს, რომ არ გვექონოდა ტექნოლოგიები, გვექონოდა სუსტი და მართვადაც სახელმწიფო.

– ბატონო ჯონდი, დასავლეთი და ნატო მუდმივ მხარდაჭერას უცხადებენ საქართველოს თავდაცვის ძალებს, რაც გამოიხატება ფინანსურ დახმარებასა თუ წვრთნა-მომზადებაში.

– არასწორ ინფორმაციას ფლობთ.

– მე იმ ინფორმაციას ვფლობ, რაც საჯაროდ ვრცელდება, ბატონო ჯონდი.

– ფინანსური დახმარების სახით, ბოლო 30 წლის განმავლობაში, საქართველოს დასავლეთისგან 2.5 მილიარდი აქვს მიღებული. ისრაელი კი მხოლოდ სამხედრო ხარჯებისთვის 5 მილიარდს იღებს დასავლეთისგან. ამ 2.5 მილიარდის 80% დახარჯულია არა სამხედრო ან ეკონომიკურ პრობლემებზე, არამედ, ლგბტ თემის ლობირებაზე ან ე.წ. ენჯეოშნიკების დაფინანსებაზე.

თემას დაუზღუდნენ – დასავლეთს ახლა საქართველოში სჭირდება აგრესიული ძალა, რომელიც კონფლიქტში შეიყვანს ქვეყანას და ასეთ ძალად მიაჩნიათ ნაცმოძრაობა. არადა ხედავენ, რომ მიშას რეიტინგი არ იზრდება, ამიტომ ჯერ წამოსწიეს შედარებით სერიოზული კანდიდატი საპრეზიდენტო არჩევნებში, გრიგოლ ვაშაძე, რომელმაც სერიოზული შედეგი აჩვენა. შემდეგაც ცდილობდნენ რაღაცების გაკეთებას, მაგრამ არ გამოუვიდათ. ეს ხელისუფლებასაც ხელს აძლევდა და ხელისუფლება იღებდა ამაში მონაწილეობას, პარტიის შიგნით ფიგურების დანიშნულებაში... მაგრამ „არა შეჯდა მწყერი ხესა, არა იყო გვარი მისი“. როცა ადამიანი ხოხვისთვისაა დაბადებული, ვერ იფრენს და მიშა ახლა დაფრინავს, ხომ ხედავთ...

– მიხეილ სააკაშვილი არაერთხელ ახსენეთ და შეგახსენებთ, მისმა ადვოკატებმა განაცხადეს, რომ ის დისტანცირდება ქართული პოლიტიკიდან.

– ეტყობა, თქვენ მიშას არ იცნობთ...

– ზუსტად ეს მითხრა კახა კუკავამაც... დიას, არ ვიცნობ პირადად...

– მიშას მე ვიცნობ 90-იანი წლებიდან, როცა გამოჩნდა პოლიტიკაში. მეც იმ დროს ვინცები პოლიტიკის კეთებას და ძალიან კარგად ვიცნობდი, მუდმივ დაპირისპირებაში ვიყავი, მენტალური დაპირისპირება მქონდა. კარგად ვიცი მისი ბუნება, მიშას არ შეუძლია აქტივობის გარეშე, მაგრამ მისი აქტივობა ყოველთვის უნდა იყოს ნეგატიური. ნეგატივის გარეშე კვდება, იჩუტება... მისი აქტივობა უნდა იყოს აგრესიული და ვილაციის წინააღმდეგ მიმართული. ერთი პერიოდი, როცა გაანადგურა ოპოზიცია, საკუთარ თავს უწევდა ოპონირებას. მას აგრესიის გარეშე არ შეუძლია, ასეთი ტიპია და რა ქართული პოლიტიკიდან ჩამოშორებაზეა საუბარი? ბევრს ვლაპარაკობთ მიშაზე და არ იმსახურებს ამას...

– თქვენ მიგაჩნიათ, რომ ლიბერალურზე მეტად, კონსერვატიული ძალები მოსწონს ქართველ ხალხს,

თუ ასეა, რას აკეთებთ, რომ ძალაუფლება მოიპოვოთ? – დააკვირდით, ვინ უფრო მეტი გხვდებათ – ადამიანური ღირებულებების მატარებელი ადამიანები, რომელთაც ოჯახი უყვართ, ფიქრობენ, რომ კაცს ქალი უნდა მოჰყავდეს ცოლად... ასეთი ხომ 99%-ია საქართველოში? და იმ 1%-ს ვხვდებით პარლამენტში ახლა.

ერთხელ ვთქვი, მიშა ივანიშვილისთვის „ოქროს კვერცხის მდებელი დედალია“ – მეთქი. „ქართულ ოცნებას“ არ სჭირდება რამე სერიოზული საარჩევნო კამპანიის ჩატარება, მთავარია, გააქტიურდეს ნაციონალური მოძრაობა და მიშა. იმდენად დიდია ზიზი ქართულ საზოგადოებაში და შიში მისი დაბრუნებისა, რომ ყველაფერს პატიობს ხალხი ხელისუფლებას. პატიობს იმას, რომ აქამდე არ გვექონდა სწორი საგარეო პოლიტიკა, არ გვაქვს სოციალური პოლიტიკა; არ ტარდება ჯანდაცვის, საპენსიო, ეკონომიკური რეფორმები; პროექტები არ იქმნება, რომ სოფლის მეურნეობა იყოს მთავარი მდგენელი ჩვენი ეკონომიკისა. ცარიელ მაცივარს პატიობს ხალხი ხელისუფლებას, ოღონდ მიშა არ მოვიდეს.

– სწორედ იმ პოლარიზებაზე საუბრობთ, რომელიც საქართველოსთვის გადაცემულ 12-პუნქტიან გეგმაში შეიტანა ევროკავშირმა. პოლარიზაციის დასრულების ერთ-ერთი აქტორი უნდა იყოს თუ არა ე.წ. შუაშისტური ოპოზიცია, რომელსაც თქვენ წარმოადგენთ?

– პოლარიზაციის დასრულება ნიშნავს, რომ უნდა გაძლიერდეს მესამე ძალა, მაგრამ ეს არ აწყობს ამ ორ მონოპოლისტს: „ოცნებას“ და ენმ-ს მედიასივრცესა და ფინანსურ ნაკადებში. ამიტომ დისკუსია პოლარიზაციის დასრულებაზე წაიყვანეს ერთმანეთთან. ისინი პოლარიზაციით სულდგმულობენ, ამით იკვებება ორივე ძალა.

– ...მოგწონთ, რომ რუსეთიდან შემოდიან მოქალაქეები?

– დიას.

– რატომ?

– რუსებსა და უკრაინელებს – ამ ორ მოძმე ერს ომი რომ აქვთ ერთმანეთში, ეს ძალიან ცუდია და ეს ჩვენც გავიართ. ვებრძოდით ჩვენ და აფხაზები ერთმანეთს...

– ჩვენ და აფხაზები თუ ჩვენ და რუსეთი, ბატონო ჯონდი? არ მიიჩნევთ, რომ მაშინ საქართველოს რუსეთთან ჰქონდა ომი?

– კი. რუსეთთანაც, შეიძლება ასე ითქვას, მაგრამ გვინდა თუ არა, აფხაზებმა და ქართველებმა დავინწყეთ და მივეცით რუსეთს საშუალება, რომ ეს გამოეყენებინათ. იმ მოვლენების შემთხვევაში ვარ, რომ იცოდეთ და, სამეგრელოშიც რუსებმა გვაიძულეს მეგრელების დარბევა?! ჩვენ ერთმანეთში გავაკეთეთ ეს, ქართველებმა, თბილისის ომი გვექონდა, ბოლო-ბოლო... რუსეთის ხელისუფლებაში ძალიან სერიოზული ფიგურები არიან, რომლებიც განიხილავდნენ იგივე ფორმატით ურთიერთობას საქართველოსთან, რაც უკრაინაში ხდება. საქართველოს ხელისუფლების მოქმედებამ კი განაიარაღა ეს ძალები და მეტი არგუმენტი მისცა იმ პოლიტიკურ ფიგურებს, რომელთაც მიაჩნიათ, რომ საქართველოსთან შეიძლება სამხედრო ძალისხმევის გარეშე ურთიერთობის დარეგულირება და ახლა რუსის არშემოშვებაზე საუბარი არასწორია. ვერ ვაკავშირებ ოკუპირების თემას ტურისტის შემოსვლა-არშემოსვლასთან. მგონი, ერთადერთი ჭკვიანური, რაც გააკეთა სააკაშვილმა, ეს იყო უვიზო რეჟიმის შემოღება რუსეთთან 2008 წელს და ლარსის გამშვები პუნქტიც სააკაშვილის დროს გაიხსნა, მაგრამ ჩემი ღია და ამკარა ხელშეწყობით. მაშინ შემოვუშვით რუსი ტურისტები, რამაც საქართველოს ეკონომიკასაც ხეირი მისცა და ეს სწორი გადაწყვეტილება იყო.

რა შენიშვნები უნდა გაითვალისწინონ დეპუტატებმა 2023 წლის სახელმწიფო ბიუჯეტის განხილვისას

მე-2 გვერდიდან

მიმდინარე წლის ათვისების ტენდენციასა და მომავალი წლის დაფინანსების მოცულობებს შორის. ბიუჯეტის გადასახდელის დაგეგმვისას, სხვა მიზეზებთან ერთად, მიზანშეწონილია, შესაბამისი საბიუჯეტო ორგანიზაციების მხრიდან გათვალისწინებულ იქნეს გასული და მიმდინარე წლების შესრულების ტენდენციები; განმარტებული უწყებებმა ბიუჯეტის დაგეგმვის ეტაპზე უნდა გაითვალისწინონ საინვესტიციო და კაპიტალური პროექტების განხორციელების, ასევე მიმდინარეობის წინარე გამოცდილება და მხოლოდ ამაზე დაყრდნობით უნდა განსაზღვრონ მომდევნო წლისთვის საჭირო ფინანსური რესურსის მოცულობა“.

სახელმწიფო აუდიტორების შეფასებით, მიუხედავად პროგრესისა, პროგრამული ბიუჯეტი ჯერ კიდევ არ წარმოადგენს ბიუჯეტის კანონის ნაწილს და სისტემური ხარვეზებით ხასიათდება. ამიტომ, სახელმწიფო მაკონტროლებლების შეფასებით, მიზანშეწონილია, რომ გაგრძელდეს მუშაობა პროგრამების მოსალოდნელი შედეგებისა და შეფასების ინდიკატორების შემდგომ სრულყოფისა და გაუმჯობესების მიზნით.

„2023 წლის ბიუჯეტის კანონპროექტთან ერთად, წარმოდგენილია კიდევ ერთი კანონპროექტი საქართველოს საბიუჯეტო კოდექსში ცვლილების შეტანის შესახებ, რომელიც ასახავს საჯარო ფინანსების მართვის რეფორმის ფარგლებში დაგეგმილ ცვლილებებს. კერძოდ, ცვლილებები ეხება სახელმწიფო საწარმოთა სექტორისა და მისი შემდგომი განვითარების სექტორის მიკუთვნებული სახელმწიფო საწარმოების ერთიან ბიუჯეტში ასახვასა და მათ მოქცევას ხაზინის ერთიან ანგარიშთა სისტემაში. სახელმწიფო აუდიტის სამსახურმა განიხილა ინიცირებული ცვლილების პროექტი და ჩვენი შეფასებით, კანონპროექტის დამტკიცებამდე, მნიშვნელოვანია შემდეგი საკითხების გათვალისწინება: წარმოდგენილი საკანონმდებლო ცვლილებებით ცხადად უნდა იქნეს განმარტებული, რა ფორმით მოხდება სახელმწიფო საწარმოების ფინანსური მაჩვენებლების გათვალისწინება „ეკონომიკური თავისუფლების შესახებ“ საქართველოს ორგანული კანონით განსაზღვრული ფისკალური წესების გაანგარიშებაში; საბიუჯეტო კოდექსში შესატანი ცვლილებების მასშტაბისა და მათი გავლენის უკეთ შეფასებისთვის, მნიშვნელოვანია, კანონპროექტის განმარტებით ბარათი მოიცავდეს უფრო დეტალურ სტატისტიკურ ინფორმაციას სამთავრობო სექტორს მიკუთვნებული სახელმწიფო საწარმოების ფინანსური მაჩვენებლებისა და ძირითად ფისკალურ პარამეტრებზე (მაგალითად, ბიუჯეტის დეფიციტი, ვალის წესის მაჩვენებელი) მათი პოტენციური გავლენის შესახებ“.

სახელმწიფო აუდიტორების შეფასებით, ბიუჯეტის პროექტზე თანდართული „პროგრამული ბიუჯეტის დანართი“ მოიცავს ინფორმაციას პრიორიტეტების ფარგლებში დაგეგმილი პროგრამების მოსალოდნელი შედეგებისა და შედეგების შეფასების ინდიკატორების შესახებ. სახელმწიფო მაკონტროლებლების განმარტებით, პროგრამული ბიუჯეტის მომზადება 2012 წლიდან დაიწყო, თუმცა ჯერ კიდევ არ მტკიცდება კანონით და მხოლოდ დანართის ხასიათს ატარებს. მიუხედავად იმისა, რომ ბოლო წლებში გაუმჯობესდა პროგრამების თი ქვეპროგრამების, მათი მოსალოდნელი შედეგებისა და შედეგების შეფასების ინდიკატორების შესახებ დანართში წარმოდგენილი ინფორმაციის ხარისხი, იგი ჯერ კიდევ საჭიროებს შემდგომ სრულყოფასა და დამატებით გაუმჯობესებას.

„2022 წლის პროგრამული ბიუჯეტის დანართის ანალიზისას, გამოვლინდა პროგრამების შემუშავების პროცესში არსებული შემდეგი სისტემური ხასიათის ნაკლოვანებები: დანართში წარმოდგენილი 130 პროგრამიდან, 95 პროგრამა ანუ 73.1% არ არის ჩაშლილი ქვეპროგრამებად. ამასთან, იმ პროგრამების 49.5%-



ში (47 პროგრამა), რომელიც არაა წარმოდგენილი ქვეპროგრამების დონეზე, ერთმანეთისგან არ არის გამოჯნული მიმდინარე და მომდევნო წლების მიზნობრივი მაჩვენებლები, რაც ხელს უშლის ამ პროგრამების შუალედურ და საბოლოო შედეგებს შორის ურთიერთკავშირის დადგენას. აღნიშნული საკითხი ანგარიშგების ეტაპზე გაართულებს მიღწეული შედეგების შედარებას მიზნობრივ მაჩვენებლებთან. მსგავსი პროგრამების ასიგნებების ჯამური მოცულობა 3.9 მილიარდი ლარია“.

გარდა ამისა, სახელმწიფო აუდიტის დასკვნაში ვკითხულობთ, რომ პროგრამების/ქვეპროგრამების მოსალოდნელი შუალედური/საბოლოო შედეგების ნაწილს არ გააჩნია კონკრეტული მისაღწევი მიზანი, რაც ანგარიშგების ეტაპზე გაართულებს აღნიშნული პროგრამის/ქვეპროგრამის ეფექტიანობის შეფასებას; პროგრამული ბიუჯეტის დანართში წარმოდგენილი ინდიკატორების 24.9%-ის შემთხვევაში, ცდომილების ალბათობისა და შესაძლო რისკების შესახებ ინფორმაცია წარმოდგენილი არ არის, მოყვანილი მონაცემები არარეალისტურია, ან არ შეესაბამება მიზნობრივ მაჩ-

ვენებელს. ამასთან, ინდიკატორების 11%-ში, რომელთათვისაც განსაზღვრულია ცდომილების ალბათობა და შესაძლო რისკები, ცდომილების ალბათობის მაჩვენებელი აღემატება 20%-ს.

„პროგრამული ბიუჯეტირების კუთხით არსებული ნაკლოვანებების ეტაპობრივი გამოსწორებისა და ამ მიმართულებით საბიუჯეტო ორგანიზაციების ანგარიშვალდებულების ამალგების მიზნით, მიზანშეწონილია, გათვალისწინებულ იქნეს სახელმწიფო აუდიტის სამსახურის რეკომენდაცია და ფორმალურად განისაზღვროს ქვეყანაში პროგრამული ბიუჯეტირების განვითარების სამოქმედო გეგმა, სადაც გაინერება განსახორციელებელი კონკრეტული აქტივობები, შესაბამისი ვადებითა და პასუხისმგებელი უწყებებით“.

სახელმწიფო აუდიტორების შეფასებით, გარდა დასკვნაში მოცემული შენიშვნებისა, 2023 წლის სახელმწიფო ბიუჯეტის კანონპროექტი, არსებული დაშვებების საფუძველზე, სათანადოა და მომზადებული. აქედან გამომდინარე, შესაძლებელია, შეფასდეს საფუძვლიანად და კანონიერად, მოქმედი ნორმატიული ბაზის გათვალისწინებით.

პოლიციამ ქუთაისში საქსუალური ხასიათის სხვაგვარი ქმედებისა და იძულების ბრალდებით ორი პირი დააკავა



შინაგან საქმეთა სამინისტროს იმერეთის, რაჭა-ლეჩხუმისა და ქვემო სვანეთის პოლიციის დეპარტამენტის ქუთაისის საქალაქო სამმართველოს თანამშრომლებმა, ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, ქუთაისში, სხვადასხვა დროს, 1977 წელს დაბადებული დ.ზ. – არასრულწლოვნის მიმართ ჩადენილი იძულების ბრალდებით, ხოლო 1988 წელს დაბადებული, გ.რ. – სექსუალური ხასიათის სხვაგვარი ქმედებისთვის დააკავეს.

გამოძიებით დადგინდა, რომ დ.ზ.-მ ქუთაისში, გუმათჰესის დასახლებაში, ერთ-ერთი სკოლის მიმდებარე ტერიტორიაზე, არასრულწლოვან გოგონას ავტომობილით დანიშნულების ადგილამდე მიყვანა შესთავაზა, გარკვეული მანძილის გავლის შემდეგ კი მობილური ტელეფონის გადაცემა აიძულა.

სამართალდამცველებმა, კომპლექსური ოპერატიული ღონისძიებებისა და საგამოძიებო მოქმედებების შედეგად, დ.ზ. დანაშაულის ჩადენიდან მალევე დააკავეს.

რაც შეეხება მეორე ბრალდებულს – გ.რ.-ს, იგი სამართალდამცველებმა ერთ-ერთი სკოლის მიმდებარე ტერიტორიაზე იმ დროს დააკავეს, როდესაც სკოლის მოსწავლეების მიმართ სექსუალური შინაარსის საუბრებს ახორციელებდა და მათ სასქესო ორგანოებზე ხელით შეხებას სთხოვდა.

სექსუალური ხასიათის სხვაგვარი ქმედებისა და იძულების ფაქტებზე გამოძიება გრძელდება საქართველოს სისხლის სამართლის კოდექსის 150-ე და 138-ე მუხლებით.

როგორია ფსიქიკური ჯანმრთელობის პრობლემების მქონე ადამიანების თვალთ დანახული სამყარო

ესა ბრიგალაშვილი

ცხოვრების არაჯანსაღი წესი, დაძაბულობა, სოციალური პრობლემები, პანდემია თუ ომი ადამიანის ფსიქიკაზე ძალიან დიდ გავლენას ახდენს. სამწუხაროდ, ისეთ რეალობაში ვცხოვრობთ, სადაც უარყოფითი ინფორმაცია საკმაოდ დიდი რაოდენობითაა. მსგავსმა ფაქტორებმა, შესაძლოა, ფსიქიკური ჯანმრთელობის დაზიანება გამოიწვიოს. ჯანმრთელობის მსოფლიო ორგანიზაციის (ჯანმო) ინფორმაციით, ფსიქიკური ჯანმრთელობის სხვადასხვა პრობლემა 450 მილიონ ადამიანს აწუხებს. საქართველოში კი ქვეყნით აშლილობის 80 ათასამდე შემთხვევაა დაფიქსირებული. ზოგადად, ფსიქიკური ჯანმრთელობის პრობლემები მოიცავს ყველაფერს, დაწყებული უბრალო ფობიებით, დამთავრებული – მძიმე დარღვევებით (მაგალითად, შიზოფრენიით). არსებობს მისი განსხვავებული ფორმები და ესა თუ ის გართულება ნებისმიერი სქესის, ასაკის, რასის, გენდერის, ეროვნების, სოციალური სტატუსის თუ სექსუალური ორიენტაციის ადამიანს შეიძლება გამოუვლინდეს. შესაბამისად, დაავადების სიმძიმეც ძალიან ინდივიდუალურია. ზოგი შემთხვევა იმდენად მსუბუქია, რომ ყოველდღიურ ცხოვრებას ხელს არ უშლის, ზოგიერთი კი ისეთი მძიმეა, რომ საქმე ჰოსპიტალიზაციამდე მიდის. მედიცინამ ფსიქიკური დარღვევა დაავადებად მხოლოდ მე-18 საუკუნეში აღიარა. მანამდე კი მსგავსი პრობლემების მქონე ადამიანები საზოგადოებისთვის მიუღებელი იყვნენ. შუა საუკუნეების ევროპაში სჯეროდათ, რომ ფსიქიკურ ავადმყოფობას დემონური ძალები იწვევდნენ. სამწუხაროდ, 21-ე საუკუნეშიც კი, საზოგადოებას ფსიქიკური აშლილობის მიმართ უარყოფითი დამოკიდებულება აქვს და მის ირგვლივ არაერთი სტერეოტიპი არსებობს.

10 ოქტომბერს, მსოფლიოში ფსიქიკური ჯანმრთელობის საერთაშორისო დღე აღინიშნა, რომლის ერთ-ერთი მიზანი საზოგადოების ცნობიერების ამაღლება იყო. სახალხო დამცველის ნინო ლომჯარიას განცხადებით, საქართველოში, ფსიქიკური ჯანმრთელობა სახელმწიფოს წინაშე მდგარ მნიშვნელოვან გამოწვევას წარმოადგენს. ფსიქიკური ჯანმრთელობის პრობლემებთან დაკავშირებულ სტიგმებზე, გამკლავების გზებსა და გამოცდილებაზე „ვერსია“ თინათინ შალამბერიძეს ესაუბრა. მას წლების წინ დაუსვეს აღნიშნული დიაგნოზი და ბევრ სირთულესთან მოუწია გამკლავება. თინათინი გვიყვება, თუ როგორია ფსიქიკური ჯანმრთელობის პრობლემის მქონე ადამიანების თვალთ დანახული სამყარო, როგორ უნდა დავხმაროთ და რა უნდა გაითვალისწინონ გარშემომყოფებმა.

– თინათინ, რამ გამოიწვია და რა ასაკში დაგენყოფი ფსიქიკური ჯანმრთელობის პრობლემები?

– სრულწლოვანი ისე გავხდი, ვერ ვიფიქრებდი, თუ ოდესმე შემექმნებოდა რამე ტიპის ფსიქიკური პრობლემა. კარგად მახსოვს, სკოლის დამამთავრებელ კლასში რომ ვიყავი, ფსიქოლოგი გაგვესაუბრა და გვითხრა, არავინ ვიცით, ვის როდის და რა დაგემართებაო, ფსიქიკურ დაავადებებს გულისხმობდა. გავიფიქრე, ისეთი მშვიდი ვარ, გამორიცხულია, რამე პრობლემა შემექმნას-მეთქი. არ იყო გასული ორი წელი, რომ დამენყო საშინელი დეპრესია. მაშინ 18 წლის ვიყავი. ვსწავლობდი თბილისის სახელმწიფო სამედიცინო უნივერსიტეტის მეორე კურსზე. გარეგანი მიზეზი, რაზეც დამენყო შფოთვა, იმის შიში იყო, რომ პირველი სემესტრის ბოლოს, ოთხ ძირითად საგანს ვერ ჩავაბა-



ექსკლუზიური ინტერვიუ ფსიქიკური ჯანმრთელობის პრობლემების მქონე ქალბატონთან

რებდი, მაგრამ ეს იყო მხოლოდ ტრიგერი, გამშვები მექანიზმი. მთავარი კი იყო უამრავი ფაქტორი, რამაც აქამდე მიმიყვანა.

– ვის მიმართეთ პირველად დასახმარებლად და როგორ გააანალიზეს ეს ფაქტი ოჯახის წევრებმა?

– პირადად მე, არავისთვის მიმიმართავს. მამამ შემატყოვ გამომეტყველებაზე, რომ რაღაც ვერ იყო რიგზე. მალევე მიემართეთ ფსიქიატრს. ჩემი ოჯახის წევრები თვლიდნენ, რომ ყოველ დაავადებას შესაბამისი სპეციალისტი უნდა მკურნალობდეს და ამიტომ პირდაპირ ფსიქიატრთან წავედი.

– როგორია თქვენი თვალთ დანახული ფსიქიკური დიაგნოზის თანხლებით განვლილი გზა?

– ფსიქიატრიული დიაგნოზის თანხლებით გატარებული 23 წლის შემდეგ მივხვდი, რომ მედალს ნამდვილად ორი მხარე აქვს. ერთი მხრივ, ნამდვილად რთული და ძალიან მტკივნეული იყო გზა, რომელიც გავიარე, მაგრამ მეორე მხრივ, უამრავი ადამიანის თანადგომითა და დახმარებით, დღეს სულ სხვა პიროვნება ვარ, ვიდრე 18 წლის ასაკში ვიყავი, როცა პირველად დამენყო ჩივილები. შემძლია, თამამად ვთქვა, რომ ვიპოვე საკუთარი თავი, ვარ იმედით სავსე და მჯერა, რომ ჩემს გამოცდილებებზე საჯარო საუბრით მცირე წვლილს მაინც შევიტან ფსიქიკური აშლილობის მქონე პირთა და მათი ოჯახის წევრების მდგომარეობის გაუმჯობესებაში. მხოლოდ ესაა ჩემი გულახდილობის ერთადერთი მოტივაცია. ჩართული ვარ სხვადასხვა პროექტში, რომელიც ფსიქიატრიულ პაციენტებს ეხება და ჩემი შესაძლებლობების მაქსიმუმს გავაკეთებ, რომ სხვებმა არ გაიარონ ის სირთულეები, რაც მე გავიარე. ვისაც საკუთარ თავზე გვაქვს გამოცდილი ამ დაავადების მიმდინარეობის სიმძიმე, მკურნალობის თავისებურებები, ინსტიტუციებში არსებული სიტუაცია, საზოგადოების სტერეოტიპული დამოკიდებულება და ა.შ., შეგვიძლია, ფაქტებზე დაყრდნობით ვისაუბროთ დარღვევებზე და უფრო ქმედითი, ეფექტიანი ცვლილებები შევთავაზოთ სახელმწიფოსა და ამ სფეროში მომუშავე ორგანიზაციებს.

– საზოგადოების მხიდან რა სტერეოტიპებსა და სტიგმებს აწყდებოდით წლების განმავლობაში?

– 23 წლის წინ, როცა გამომივლინდა პირველი ჩივილები, მეტად მძიმე სიტუაცია იყო ამ მხრივ, ვიდრე ახლაა, თუმცა არასაკმარისი ან არასწორი ინფორმაციის გამო მოსახლეობის დიდ ნაწილში ჯერ კიდევ მყარად აქვს ფესვი გადგმული სხვადასხვა სტერეოტიპულ მოსაზრებას. მე პირადად, ძალიან გამიმართლა, რომ

ჩემს ცხოვრებაში მხოლოდ რამდენიმე ადამიანისგან მიგრძენია გარიყულად თავი, ან უარყოფილი ვყოფილვარ ჩემი დიაგნოზის გამო. ძალიან იშვიათად, მაგრამ უთქვამთ: რას თხოვდებოდი და აჩენდი ბავშვს, თუ გქონდა ფსიქიატრიული დიაგნოზი?! მეც ნადვილად არ ვიფიქრებდი დაოჯახებაზე, ბოლო გამწვავებიდან ყოველგვარი ფსიქოტროპული მედიკამენტის გარეშე, სტაბილურად რომ არ ვყოფილიყავი ხუთი წლის მანძილზე. რეზიდენტ-ექიმსაც კი არ მქონდა ინფორმაცია, რომ სრულად დასაშვებია ორსულობა-მშობიარობის წარმართვა გარკვეული ფსიქოტროპული მედიკამენტების ფონზე. ცნობიერების ამაღლება მთავარი რამაა, რაც დაეხმარება ჩვენს საზოგადოებას დრომოქმული სტერეოტიპებისა და სტიგმების დავინყებაში. ჩემს შემთხვევაში, გარემოდან წამოსული სტერეოტიპები არ იყო იმდენად დამაზიანებელი და დამთრგუნველი, როგორც თვითსტიგმატიზაცია. როცა მომენიჭა შშმ პირის სტატუსი და დამენიშნა ე.წ. პენსია, შინაგანად ძალიან ცუდად იმოქმედა ამან ჩემზე. 35 წლის ასაკში, ვერაფრით ვუშვებდი, რომ „პენსიონერი“ გავხდი და არ მქონდა უნარი, საკუთარი შრომით გამოემუშავებინა არსებობისთვის საჭირო თანხა. დიდი დრო და მრავალი ადამიანის დახმარება დამჭირდა, ეს შინაგანად რომ გადამელახა.

ჩემზე ასევე, ნეგატიურად იმოქმედა და გული მეტკინა, როცა ერთ-ერთი გამწვავებისას, ფსიქიატრიულ კლინიკაში გადაყვანის დროს, სასწრაფო სამედიცინო დახმარების ექიმების თვალეში ჩამდგარი შიში დავინახე. ეს შიში იყო უსაფუძვლო, საერთოდ არ ვიყავი აგრესიული, მაგრამ ის მითი, რომ ფსიქიკურად დაავადებული პაციენტი აგრესიული და ამიტომ საშიშია, მათ თვალეში იკითხებოდა. ისე გამოვიდა, რომ სასწრაფო დახმარების მანქანით გადაყვანისას, მხოლოდ პატრულის თანამშრომელი იჯდა ჩემთან ერთად, ექიმები ისხდნენ მძღოლის გვერდით. მაშინ, რაღა აზრი ჰქონდა სასწრაფო დახმარების ბრიგადის მოცდენას ჩემს გადაყვანაზე? ექიმი ნამდვილად უნდა იყოს პაციენტის გვერდით, როცა ხდება მისი ტრანსპორტირება. საჭიროების შემთხვევაში, ექიმთან ერთად შეიძლება იყოს პატრულის თანამშრომელიც.

– როგორც ახსენეთ, შვილი გყავთ, შეგიშალათ თუ არა ხელი ჯანმრთელობის პრობლემამ ორსულობის პერიოდში და როგორი აღმოჩნდა დედობის პასუხისმგებლობა თქვენთვის?

– როდესაც დედა გავხდი, დარწმუნებული ვიყავი, დასასრული მე-8 გვერდზე

როგორია ფსიქიკური ჯანმრთელობის პრობლემების მქონე ადამიანების თვალთ დანახული სამყარო

მე-7 გვერდიდან

რომ ბიპოლარული აშლილობის დიაგნოზი წარსულს ჩაბარდა. ვერ ვიტყვი, რომ რამე განსაკუთრებული, მშობიარობის შემდგომი სტრესი მქონდა. ამ დროს 28 წლის ვიყავი და დიდი სიხარულით შევხვდი დედობას, მზად ვიყავი ამ ძალიან სასიამოვნო პასუხისმგებლობისთვის. ოჯახის წევრები მეხმარებოდნენ და ვზრდიდი შვილს, მაგრამ არ მივაქციე ყურადღება, რომ ძილისა და დასვენების დეფიციტი, ლაქტაცია ჩემს ფსიქიკაზე ნეგატიურ გავლენას ახდენდა. გადავიღალე, გამოვიფიტე, მკვეთრად დავიკელი წონაში და როცა შვილი იყო ხუთი თვის, შვიდწლიანი სრული რემისიის შემდეგ, დაავადება ისევ გამიმწვავდა. ჩემი მხრიდან დიდი შეცდომა იყო ფსიქიატრიული დიაგნოზის უგულებელყოფა. ახლა ვიცი, რომ რაც უნდა სტაბილური მდგომარეობა მქონდეს, ჩემთვის აუცილებელია შრომის, კვებისა და ძილის რეჟიმის დაცვა. თუ რამე ვალდებულებას ვერ ვუმკლავდები, თავს კი აღარ ვატან ძალას, გარშემომყოფებს ვთხოვ დახმარებას.

– თინათინ, როგორც ვიცი, ბევრ ფსიქიატრიულ კლინიკაში გიმკურნალიათ, საერთო ჯამში, როგორ შეაფასებდით იქ არსებულ სიტუაციას და პაციენტებისადმი დამოკიდებულებას?

– დიახ, ისე მოხდა, რომ სხვადასხვა დროს, სხვადასხვა ფსიქიატრიულ კლინიკაში ვარ მოხვედრილი. ჩემს თავზე მაქვს გამოცდილი დახურულ დაწესებულებაში ყოფნის დადებითი და უარყოფითი მხარეები. კლინიკებში არის უამრავი მოსაგვარებელი საკითხი, რასაც სწორი მენეჯმენტისა და ადამიანური რესურსის გონივრულად გადანაწილების პირობებში, ადვილად მოვევლება, დაფინანსება რომც არ გაიზარდოს. პროცენტულად რომ ავილოთ, პაციენტებისადმი კეთილგანწყობილი პერსონალის რიცხვი მკვეთრად აღემატება მათ, რომლებიც უდიერად ექცევიან პაციენტებს. თუმცა, სამწუხაროდ, ზოგჯერ ხდება დაბალი რანგის მდებარეობის მხრიდან პაციენტთა ფიზიკური შეურაცხყოფის ფაქტებიც. მეც მიმიღია სანიტრის მუშტი თვალში, როცა უარს ვამბობდი ინექციაზე და წინააღმდეგობას ვუწევდი მდებარეობას, თუმცა სხვა სანიტრები ზრუნავდნენ პაციენტთა განწყობის ამაღლებაზე და მუსიკას რთავდნენ ჩვენთვის. პირადად მქონია შემთხვევა, როდესაც რამდენიმე დღე ვითხოვდი შეხვედრას მკურნალ ფსიქიატრთან და მან ხუთ-ექვს დღეში მოაღწია ჩემამდე, არადა, იმავე სართულზე იყო მისი კაბინეტი. მესმის, გადაღლილი იყო და ბევრი პაციენტი ებარა, მაგრამ თუ სხვა დროს, სხვა ექიმი ახერხებდა ჩემთან ყოველდღიურად გასაუბრებას ჩემი მოთხოვნის გარეშე, ე.ი. რაღაც არარეალურს არ ვითხოვდი მისგან. არ ხდება ფსიქოლოგების, არტ-თერაპევტების აქტიური ჩართვა მკურნალობის პროცესში. მერწმუნეთ, მხოლოდ ფსიქოტროპულეების მიღებით ვერ განიკურნებიან პაციენტები, ასე მხოლოდ სიმპტომები მცირდება ან ქრება, გამომწვევი მიზეზები კი რჩება, რომლებიც კვლავ იჩენენ თავს სტრესულ სიტუაციაში. აუცილებელია იმ ფსიქოლოგიური თუ ბიოგრაფიული საკითხების დამუშავება, რამაც მიგვიყვანა ფსიქიკურ დაავადებამდე.

ასევეა, კვების, ჰიგიენის საკითხები მოსაგვარებელი. ზოგიერთ კლინიკაში საკვებია უხარისხო, ხილი თითქმის არაა, ჰიგიენური საშუალების დეფიციტია, გლდანის ფსიქიატრიულ კლინიკაში მხოლოდ ერთი დღეა გამოყოფილი აბანოსთვის, თუმცა თემქის კლინიკაში მუდმივად ღიაა აბაზანის კარი. ყველა საკითხს ვერც შევხვები, იმდენი რამაა გამოსასწორებელი...

– რა სირთულეები ახლავს ფსიქიკური ჯანმრთელობის პრობლემას და რა უნდა გაითვალისწინონ პაციენტის ოჯახის წევრებმა?

– უამრავი სირთულე შეიძლება ახლდეს ფსიქიკური დაავადების გამოვლენას. განსაკუთრებით, მკვეთრად



იჩენს თავს ეს სირთულეები, როცა პირველად ვლინდება ესა თუ ის სიმპტომი. როგორც წესი, არც პაციენტმა და არც მისმა გარშემომყოფებმა არ იციან, როგორ მოექცნენ. იპყრობთ უიმედომის განცდა. თვლიან, რომ გამოსავალი აღარ არსებობს. ცნობიერების დონე არის დაბალი ამ სფეროში და საზოგადოებაში არსებული სტერეოტიპები და სტიგმები ზოგჯერ აიძულებს პაციენტს ან მისი ოჯახის წევრებს, დამალონ ეს დაავადება, არ ისაუბრონ ღიად. გვიან მიმართავენ სპეციალისტს დახმარებისთვის. საჭიროებისას უარს ამბობენ პაციენტის სტაციონირებაზე. ყველაფერი ეს, საბოლოო ჯამში, მხოლოდ აუარესებს მდგომარეობას. დაავადების ნიშნების მკვეთრი გამოვლინებისას, ადამიანი ვეღარ ახერხებს სწავლის ან მუშაობის სრულფასოვნად გაგრძელებას, შეიძლება დაენგრეს ოჯახი, დაკარგოს მეგობრები, ფსიქოლოგიური ჩავჯვრის მსხვერპლიც კი გახდეს. სრულფასოვან მკურნალობას, ფსიქოთერაპიულ სესიებს ან სხვა თერაპიებს სოლიდური თანხა სჭირდება და ზოგჯერ ეს ფაქტორიც წარმოადგენს განკურნების ხელისშემშლელ მიზეზს. აქვე გამოყოფილი ანტიფსიქოზური მედიკამენტების გვერდით ეფექტებსაც. მაგალითად, ზოგიერთ მედიკამენტს ახასიათებს პროლაქტინის დონის მატება სისხლში და მასთან დაკავშირებული სექსუალური და რეპროდუქციული სისტემის დარღვევები, წონაში მატება. მომატებული კილოგრამები კი ხანდახან ხდება თვითშეფასების დაქვეითების მიზეზი. იშვიათ შემთხვევაში, გარეთ გასვლაზეც კი ამბობს პაციენტი უარს, რადგან არ მოსწონს საკუთარი სხეულის ფორმები.

პაციენტის ოჯახის წევრებს ვურჩევდი, იყვნენ იმედიანად (არაფერია იმაზე უფრო მტკივნეული, როცა შენს გამო, სხვა ნერვიულობს და ცუდადაა), დროულად მიმართონ შესაბამის სპეციალისტებს და პაციენტთან შეთანხმებით გამოიხილონ გამოსავალი. არაფერია სამარცხვინო ან დასამალი ფსიქიკური დიაგნოზის შემთხვევაში. აუცილებელია, მაქსიმალურად მეგობრული დამოკიდებულება ჰქონდეთ პაციენტთან და ხშირად ესაუბრონ მას. გამაღიზიანებელია, როგორც ჰიპერმზრუნველობა, ასევე – უყურადღებობა. როგორც ყველგან, ოქროს შუალედის დაცვა აქაც ყველაზე მისაღებია. ხელი შეუწყონ, რომ ჰქონდეს მათ ოჯახის წევრს ჯანსაღი კვება, სრულფასოვანი ძილი, ზომიერი ფიზიკური დატვირთვა, თუ დაკისრებულ რაიმე ვალდებულებას ვერ უმკლავდება, დაეხმარონ.

– რა დაგეხმარათ ყველაზე მეტად რთული პერიოდების დაძლევაში და რას ურჩევდით ადამიანებს, რომლებსაც ჯანმრთელობის მსგავსი პრობლემა აქვთ?

– მე დამეხმარა ჩამოთვლილი ფაქტორების ერთობლიობა: სწორად შერჩეული ფსიქოტროპული მედიკამენტები, ოჯახის წევრების, მეგობრების, სპეციალისტების, ჩემი მსგავსი დიაგნოზის მქონე ადამიანების მუდმივი თანადგომა, მათი სწორი პოზიცია ჩემს დაავადებასთან დაკავშირებით, მცდელობა შემეცნო საკუთარი თავი სხვადასხვა პრაქტიკების გამოყენებით. ამ მიზნით უამრავ მეთოდს მივმართე. მათ შორისაა ლოცვები, აგნი-იოგა, ჰათა-იოგა, მედიტაციები ჩაკრებისთვის, რეიკი, თაი ჩი, დაოსური მოძღვრება, ასტროლოგია და ა.შ. ყველა მათგანმა სხვადასხვა დროს გარკვეული როლი ითამაშა ჩემი მდგომარეობის სტაბილიზაციაში, მაგრამ ყველაზე ეფექტიანი აღმოჩნდა ანთროპოსოფიული მედიცინის შემადგენელი დარგები: ბუნებრივი მედიკამენტებით მკურნალობა, სამკურნალო ვერითმია, რითმული შეხელება და მასაჟი. სწორედ სამკურნალო ვერითმიას ვუმაღლი 22-დან 29 წლამდე სრულ რემისიას ყოველგვარი ფსიქოტროპული მედიკამენტის გარეშე. იმ პერიოდში გავიარე სემინარი და ამჟამად ვარ დასაქმებული მკურნალ ვერითმისტად მიქაელ მთავარანგელოზის სახელობის სამკურნალო-პედაგოგიურ სკოლაში. ვინაიდან ისეთი საქმით ვარ დაკავებული, რაც მომწონს, არ მდღის და თან მაჯანმრთელებს.

ვისაც აქვს რამე ტიპის ფსიქიკური აშლილობა, ვურჩევდი, დროულად მიმართონ კვალიფიციურ ფსიქიატრს, ფსიქოლოგს, თუ ჩათვლიან საჭიროდ, ალტერნატიული მედიცინის წარმომადგენლებსაც. ჩემს შემთხვევაში, აშკარად გაამართლა დამატებითი მეთოდებმა. იცხოვრონ ჯანსაღი ცხოვრების წესით, უარი თქვან ყოველგვარ ნარკოტიკულ ნივთიერებებსა და ალკოჰოლზე. აკეთონ ის საქმე, რაც გამოსდით და თან მუშაობის პროცესიც მოსწონთ. ისწავლონ პოზიტიური აზროვნება ანუ ყველაფერს დადებითი მხრიდან შეხედონ, ჰქონდეთ მაღლიერების განცდა. უმადურობა და ნეგატიური აზრები ძალას გვართმევს და გვაავადებს. დაუკვირდნენ თავიანთი დაავადების გამაფრთხილებელ ნიშნებს, ანუ რა სიმპტომებით იწყება დაავადება და თუ მსგავსს შენიშნავენ, აცნობონ ექიმს. ისაუბრონ ამ თემაზე თავისუფლად, დღეს აღარავის უკვირს მსგავსი პრობლემები. საკუთარი გამოცდილებით შემიძლია ვთქვა, რომ რაც მეტჯერ მომიყოლია ჩემი ისტორია, მეტად მსუბუქად მიგრძენია თავი შინაგანად. ამას გარდა, რაც მეტი ადამიანი ვიტყვით ამის შესახებ, მით მეტად შემცირდება სტიგმა და არასწორი სტერეოტიპები. შედეგად, ფსიქიკური დიაგნოზიც დამატებითი სტრესი აღარ იქნება.

ისტორია, რომელსაც ახლა ვიხსენებთ, ორივე ნლის წინ, ქვემო ქართლის რეგიონის ერთ-ერთ მუნიციპალიტეტში მოხდა. რატომ არ ჰქოვა ამ ისტორიამ დიდი გამოხმაურება და რატომ არ გახდა საინფორმაციო საშუალებების განხილვის თემა, თავად მიხედვით. ერთი შეხედვით, ყველაფერი ძალიან ჰგავდა ჩვეულებრივ ოჯახურ კონფლიქტს, მაგრამ მხოლოდ ერთი შეხედვით...

სალამოს საათებში, კლინიკაში, 40 წლამდე მამაკაცი მიიყვანეს. სწორედ რომ მიიყვანეს, რადგან სიარული არ შეეძლო, ორივე ფეხი გადამტვრეული ჰქონდა და ექიმებმა, სანამ ოპერაციას დაიწყებდნენ, პოლიციაში დარეკეს. აშკარა იყო, დაზარალებულს ფეხის ძვლები რაღაც საგნით დაამტვრიეს – რკინის მილით ან ბეისბოლის ჯოხით და შემდეგ გაიკვია, რომ ექიმები არ ცდებოდნენ – საქმეში ბეისბოლის „ბიტა“ გამოჩნდა. დაზარალებული მშვიდად ჰყვებოდა, შინ მეძინა, ხმაურზე გამეღვიძა, ეზოში გამოვედი, უცხო მამაკაცი შევნიშნე ნიღბით, რომელიც მოტოციკლის მოპარვას აპირებდა და როცა გადავწყვიტე დამეკავებინა, ბეისბოლის „ბიტით“ თავს დამესხა და ფეხები დამიტვრიაო. სამართალდამცავებს ეს ჩვენება თავიდანვე საეჭვოდ ერჩვენათ ორი მიზეზის გამო. პირველი ის, რომ ორივე ფეხი საგულდაგულოდ იყო დაჩეჩქვილი, თავდამსხმელი კი ასე არ იქცევა. საკმარისი იქნებოდა, მას დაენახა, რომ სახლის მეპატრონეს ერთი ფეხი მოსტეხა, მაშინვე გაიქცეოდა, დროს არ განელავდა და მეორეც – დაზარალებული უშიშროების ყოფილი თანამშრომელი იყო, წლების წინ, სამსახურიდან ბიზნესის საკეთებლად რუსეთში წასული და სახლში ოფიციალურად ჰქონდა იარაღი. ის არანაირი ლოგიკით, ჯოხით შეიარაღებულ თავდამსხმელს არ უნდა შეებოდა, იარაღი უნდა გამოეთქანა და მარტივად დააკავებდა. გამოძიების ვერსია მას შემდეგ გამყარდა, რაც მეზობლებმა თქვეს, რომ ხმაურზე ეზოში შევიდნენ და ნიღბიანი პირი არ უნახავთ, ეზოში დაზარალებულის ნათესავი ბიჭი იდგა ბეისბოლის ჯოხით, ხოლო მეუღლე მშვიდად უყურებდა, როგორ იკლავებოდა ტკივილისგან მისი ქმარი.

„სამი თვეა, რაც ეს ნათესავი გამოჩნდა და ამათთან ცხოვრობს. არ ვიცი, რატომ, მაგრამ მგონია, რომ იმ ქალის საყვარელია და უბრალოდ, ქმარმა მოუსწრო. მერე მოხდა ის, რაც მოხდა და თავდასხმა და მოტოციკლის ქურდობის მცდელობა არ ყოფილა. ისე, ეგ ქალი სამი წლის წინაც გამოიჭირა ქმარმა, მაშინ შიშველი კაცი გამოვრბოდა მაგათი ეზოდან, მაგრამ მერე მივიწყეს ეს ამბავი“, – განაცხადა ერთ-ერთმა მეზობელმა.

ნათესავი სამართალდამცავებმა მალე იპოვეს. დაძალება საჭირო არ იყო, მოჰყვა, რომ მოსკოვიდან სამი თვის წინ ჩემოვიდა, ნათესავთან დასახლდა, რადგან საქართველოში ყველაფერი გაყიდა და რუსეთის ვალები გადაიხადა. მის ცლთან ლოგინში როგორ აღმოჩნდა, აღარც კი ახსოვს, მაგრამ ურთიერთობა ჩამოსვლიდან ერთ თვეში დაიწყო, მერე ქმარმა მოუსწრო და თავს ხომ არ მოაკვლევინებდა, ბეისბოლის ჯოხი გამოიყენა და სანამ გამოჯანმრთელდება, რუსეთში წასვლასაც ვაპირებო, დააყოლა. სხეულის განზრახ დაზიანების გამო, ბიჭი დააკავეს და დასაკითხად ისევ უშიშროების ყოფილ თანამშრომელთან მივიდნენ.

„ტყუილია, ლაღატის სცენა არ მინახავს, ნათესავია და მინდოდა, დამეცვა, ვერ ხვდება, რომ სისხლის სამართლის დანაშაული ჩაიდინა. შელაპარაკება მოგვივიდა, გადირია და ცემა დამიწყო. ამიტომ მოვიფიქრე ყველაფერი, მაგრამ რა გაეწყობა, რადგან თავად აღიარებს, მეც ვიტყვი, რომ მან მცემა, მაგრამ ჩემს ცოლთან არაფერი ჰქონია“, – განაცხადა დაზარალებულმა, მაგრამ აშკარა იყო, ტყუოდა, რადგან ძალოვნებს ქალიც დაკითხული ჰყავდათ და მან ზუსტად იგივე ჩვენება მისცა, რაც ნათესავმა ბიჭმა.

ამავდროულად, გაიკვია ისიც, რომ რუსეთიდან დაბრუნების შემდეგ, უშიშროების ყოფილმა თანამ-

რატომ არუქა მამაკაცმა ცოლის საყვარელს სამშენებლო კომპანია



ოჯახური სამკუთხედის უცნობი დეტალები

შრომელმა თან დიდი ფული ჩამოიტანა, დედაქალაქში რამდენიმე ობიექტი იყიდა და საერთო ჯამში, ოთხ მილიონ დოლარზე მეტი დახარჯა. სად და როგორ იშოვა ეს თანხები, არავინ იცოდა, მაგრამ მალე გაიკვია ისიც, რომ მისი პარტნიორი მოსკოვში, დაკავებული ბიჭის მამა იყო, რომელიც... რუსეთის დედაქალაქში მოკლული მას შემდეგ იპოვეს, რაც დაზარალებული საქართველოში დაბრუნდა. გაჩნდა ეჭვი, რომ ნათესავებს შორის, რაღაც მოხდა და ბიჭი შურის საძიებლად ჩამოვიდა. თუმცა, თუ ეს ვერსია სიმართლესთან ახლოს იყო, რას ელოდა ის სამი თვის განმავლობაში? სრული ინფორმაციისთვის, ქართველმა კოლეგებმა არაოფიციალურად რუს კოლეგებს მიმართეს. რადგან საქმეში უშიშროების ყოფილი თანამშრომელი იყო, საჭირო გახლდათ, ყველაფერი დეტალებში გარკვეულიყო. რუსეთიდან პასუხი მალე მოვიდა და როგორც მოსკოვიდან ინერებოდნენ, ბიჭის მამა, სავარაუდოდ, მევალებმა მოკლეს. მას და უშიშროების ყოფილ თანამშრომელს, მოსკოვსა და მის შემოგარენში, ავტოსალონები ჰქონდათ გახსნილი და ახალი მანქანებით ვაჭრობდნენ. ავტოსალონთა რაოდენობამ 60-ს რომ გადააჭარბა, ერთ დღეს, პრაქტიკულად, ყველა მანქანა გაიყიდა, სალონები დაიხურა და ერთ-ერთი მენილე ანუ ამჟამინდელი დაზარალებული სადღაც გაქრა (სადღაც რა, საქართველოში წამოვიდა), მეორემ კი ვერ გამოასწრო და ის გარდაცვლილი იპოვეს. ვარაუდობენ, რომ სწორედ მევალებმა გამოუყვანეს წირვა.

როგორც კი რუსეთი და ავტოსალონები ახსენეს, უშიშროების თანამშრომელი დაიბნა, მაგრამ თავი დროზე მოთოკა და განაცხადა, ვიმუშავე, ფული დავაგროვე, საქართველოში, ჩემს სამშობლოში დავბრუნდი და აქ ინვესტიცია განვახორციელე, ამაში ცუდს ვერაფერს ვხედავო. რაც ყველაზე საინტერესოა, აღნიშნულ საქმეზე მოსკოვში არავის ჰქონდა განცხადება დანერილი ანუ არავინ არაფერს ჩიოდა და ამას ძეხნილის სტატუსიც არ ჰქონდა. საჭირო იყო, დაკავებულ ბიჭს ესაუბრა, მაგრამ საუბრის სანაცვლოდ, მისთვის რაღა უნდა შეეთავაზებინათ და ეს რაღაც თავისუფლება იყო, ოღონდ, პირობითი სასჯელით. ბიჭმა მოსაფიქრებლად ორი დღე ითხოვა, შემდეგ კი გამოძიებელს ქალაქი და კალამი გამოართვა და უთხრა, რამე რომ არ გამომჩეს, მირჩევნია, დავნერ, მერე კითხვები თუ გაგიჩნდება,

ბათ, გიპასუხებთო. სამი დღე აწვალა ბიჭმა კალამი და ფურცელი, სამი დღე ელოდნენ სამართალდამცავები...

„ამ არაკაცს და მამაჩემს საერთო ბიზნესი ჰქონდათ. ავტოსალონები გახსნეს მოსკოვში და სხვებზე იაფად ჰყიდდნენ მანქანებს. გეგმა და მიზანი მარტივი იყო – ბევრი სალონი, მინიმალურ მოგებაზე მუშაობა და ბევრი გაყიდული მანქანა. საბოლოო ჯამში, დღეში თითოს ორი ათას დოლარამდე რჩებოდა სუფთა მოგება, მაგრამ ეს იძახდა, ცოტააო. შემდეგ მამაჩემს ჯანმრთელობის პრობლემები შეექმნა, საავადმყოფოში დანვა, ერთი ოპერაცია გაუკეთეს, მერე მეორე... სალონებს ეს მართავდა და როცა საავადმყოფოდან გამოსვლას სამი დღე აკლდა, ვიღაც ტიპები მოვიდნენ და გვითხრეს, რომ მათი ვალი გვექონდა. მამა გაოცდა და როგორც გაიკვია, ესენი დილერების წარმომადგენლები იყვნენ. თურმე, სანამ მამაჩემს საქმეებისთვის არ ეცალა, მისმა პარტნიორმა სალონები მანქანებით გატენა, შემდეგ კი ლამის ნახევარ ფასში გაყიდა, ფული აიღო და საქართველოში წამოვიდა. ასე შერჩა მამაჩემს მილიონობით ვალი და... კი ამბობენ ექიმები, მუცელში ხელი დაარტყეს, ნაკერები გაეხსნა და მაგიტომ გარდაიცვალაო, მაგრამ მე მის სიკვდილში ამ არაკაცს ვადაწმუნებ. საქართველოში ყველაფერი გაყვიდე, რაღაც ნაწილი გავისტუმრე, მოსკოვში ბინაც დილერებს გადავუფორმე და აქ წამოვედი, ეს რომ მომეკლა. ისე მიმიღო, თითქოს არაფერი მომხდარა და მეც მასთან ცხოვრება დავიწყე. ვიფიქრე, ეგებ, ფულის სამალავს მივაგნო-მეთქი. მერე მის ცოლთან რომანი გავაბი, ესეც შურისძიების ერთ-ერთი გზა იყო, ხვდებოდა, განა არ ხვდებოდა, მაგრამ ვერაფერს ამბობდა. ცოლიც ემუქრებოდა, პირს მოვალე და დავიჭერეო. იმ დღეს კი პირდაპირ საძინებელში შემოგვისწრო და ატეხა ერთი ამბავი. ცემითაც ამიტომ ვცემე სამაგალითოდ, იმედია, ნორმალურად ვერასდროს გაივლის“, – ასეთი იყო აღიარების მოკლე შინაარსი.

ჩვენების მიუხედავად, უშიშროების ყოფილ თანამშრომელს ბრალი ოფიციალურად ვერაფერში წაუყენეს. საავადმყოფოდან განერის შემდეგ, მან ჩვეულებრივად გააგრძელა ბიზნესის მართვა. ბიჭს, რომელიც მისი ცოლის საყვარელი იყო, სამშენებლო კომპანია მისცა და თან ისეთი კომპანია, რომლის საშუალებითაც დღეს ეს ბიჭი თბილისში ორ კორპუსს აშენებს.

კვარაცხელიას მორიგი ბენეფისი

გასულ უქმეებზე, იტალიის სერია A-ს ცენტრალური შეხვედრა კვირას, „სტადიო ოლიმპიკოზე“ გაიმართა. „რომამ“ ლიდერ „ნაპოლის“ უმასპინძლა და იმის მიუხედავად, რომ ბევრი ეცადა, ვერაფერი გააწყო და დამარცხდა. ჩვენდა გასახარად, როგორც მატჩამდე, ისე მატჩის შემდგომ, ერთ-ერთი მთავარი სალაპარაკო თემა ხვინა კვარაცხელია გახლდათ. ჯერ მატჩამდე ვთქვათ.

პრესკონფერენციაზე მისულ ჟოზე მაურინიოს ჟურნალისტებმა ჰკითხეს, კვარაცხელიას გაჩერებას როგორ აპირებთო და მანაც იხუმრა, ახლოს თუ ჩამივლის, ჩავარტყამო. რეალურად კი, მთელი 90 წუთის განმავლობაში, კვარაცხელიას ორი კაცი მეურვეობდა, მესამე აზღვევდა და სწორედ ამიტომ, „ნაპოლელებმა“ მოშიშვლებული მარჯვენა ფლანგი აიკლეს. ერთადერთი გოლი ვიქტორ ოსიმენმა ულამაზეს სტილში გაიტანა და გოლში კვარაცხელიას მონაწილეობა არ მიუღია, თუმცა ნამატჩევს იტალიური მედია ოსიმენზე კი არა, ქართველზე წერდა.

„მოედნის ცენტრში ქართველმა ფენომენმა (ჰო, ზუსტად ეს ტერმინი წერია „კორიერე დელო სპორტში“) მეტოქე რიკ კარსდორპს ბურთი ფეხებშუა გაუტარა და სახიფათო იერიში დაიწყო, თუმცა ამ დროს დაინახა, რომ მასპინძელთა ნახევარმცველი რობერტო პელეგრინი მინდორზე იწვა და ტკივილისგან ყვიროდა. კვარაცხელიამ იერიში არ გააგრძელა, ბურთი აუტზე გადაადგო და ექიმებს მოედანზე შესვლის შესაძლებლობაც მიეცათ. ეს დიდი სპორტსმენის საქციელია და



ადგილობრივმა პუბლიკამ კვარაცხელიას ტაში ფეხზე ადგომით დაუკრა, – წერს იტალიური მედია. მომდევნო შეხვედრას ნეაპოლელები 26 ოქტომბერს, ჩემპიონთა ლიგაზე გამართავენ და საკუთარ მოედანზე

„რეინჯერს“ უმასპინძლებენ. იმის გათვალისწინებით, რომ 4 ტურის შემდეგ, „ნაპოლის“ ჯგუფიდან გასვლა განაღებულ აქვს, არ არის გამორიცხული, მწვრთნელმა სათადარიგო შემადგენლობა ათამაშოს.

„ვალენსიას“ მამარდაშვილს ართმევენ



ესპანური „ვალენსიას“ მესვეურები დროზე მიხვდნენ, რომ გიორგი მამარდაშვილს მათთან დიდხანს არავინ გააჩერებს. ამიტომაც იყო, ორიოდე კვირის წინ, ქართველ კიპერს ახალი ხელშეკრულება რომ გაუფორმეს, ვადაც გაზარდეს, ხელფასიც და გამოსასყიდი თანხაც. თუ აქამდე, გიოს შეძენა 20 მილიონ ევროდ იყო შესაძლებელი, ახლა მისი ფასი 100 მილიონია. კონტრაქტში ჩანერილი ციფრის მიუხედავად, ყველა თანხმდება, რომ რეალურად, 70 მილიონი ევროს გადახდის შემთხვევაშიც კი, მამარდაშვილის გასხვისება პრობლემა არ იქნება. ჰორიზონტზე ორი კლუბი ჩანს – ტურინის „იუვენტუსი“ და ლონდონის „ტოტენჰემი“.

„ბებერ სინიორას“ სურვილი აქვს, ახალი გუნდის შენება დაიწყო და ეს ყველაფერი ნომერ პირველი პოზიციით გაამაგროს. ამიტომაც, მომავლის გუნდის გეგმებში 32 წლის პოლონელი ვოიცეხ სჩესნი ნამდვილად არ შედის, მამარდაშვილი კი იდეალური ვარიანტია, თუმცა... აპენინური მედია ამტკიცებს, გამორიცხულია „იუვენე“ ეს ტრანსფერი განახორციელოს, რადგან საამისო თანხები კლუბს უბრალოდ არ აქვს და იმის გათვალისწინებით წელს როგორ ასპარეზობს, უკეთესი მოლოდინი არც მომავალი სეზონისთვის უნდა ჰქონდესო.

სამაგიეროდ, „ტოტენჰემი“ დიდ გულზე. „მამლებს“ მეკარე და კაპიტანი, ლეგენდარული უგო ლორისი დეკემბერში 36 წლის ხდება და იმის მიუხედავად, რომ კარიერის გაგრძელებას კიდევ აპირებს, უმალლეს დონეზე თამაში აშკარად უჭირს, რაც 12 შეხვედრაში გამოვლულ 14 გოლშიც აისახა. სწორედ ამიტომ, ლონდონელთა მესვეურები და რაც მთავარია, გუნდის თავკაცი ანტონიო კონტე, ახალ კიპერს ეძებენ და სიაში ნომერ პირველი სწორედ მამარდაშვილია, თანაც „ტოტენჰემს“ ნამდვილად შეუძლია 70 მილიონი გადაიხადოს და ამ კლუბში გადასვლა გიორგისთვის ევროთასებზე მუდმივ ასპარეზობას ნიშნავს.

ღთხი მედალი აბუ-დაბიდან

მსოფლიოს ჩემპიონატის შემდეგ, აბუ-დაბიში გამართულ საერთაშორისო ტურნირზე, ლაშა გუჯეჯიანმა შეიძლება ითქვას, ის ძიუდოსტები წაიყვანა, რომლებსაც ნაკრებში პირველ ნომრობაზე აქვთ პრეტენზია. შედეგად, ჩვენი ნაკრები აბუ დაბიდან ურიგო შედეგით ნამდვილად არ მოდის.

ოქროს მედლები გიორგი სარდალაშვილმა და ბექა ღვინიაშვილმა მოიპოვეს, ვერცხლის მედალი – სოფიო სომხიშვილმა, ხოლო ბრინჯაოს ეთერ ლიპარტელიანი დაეუფლა. არ შეიძლება არ აღვნიშნოთ, როგორც სარდალაშვილის, ისე ღვინიაშვილის გამორჩეული ასპარეზობა. მათ ყველა მეტოქე, პრაქტიკულად, ერთი ამოსუნთქვით გაიარეს და იმდენად დამაჯერებლად მოიგეს ოქროს მედლები, რომ ნაკრების თავკაცებს შემდეგი ტურნირისთვის შემადგენლობის დაყენებამდე სერიოზული დაფიქრება მოუწევთ.





არველაძე ქეცბაიასთან?!

ინგლისური „ჰალიდან“ გათავისუფლებული შოთა არველაძე, შესაძლოა, სამუშაოდ კვიპროსში წავიდეს. მოგვხსენებთ, ამ ქვეყანაში, წლებია, ქართველი სპეციალისტი, არველაძის მეგობარი და ყოფილი თანაგუნდელი, თემურ ქეცბაია მოღვაწეობს და აგერ, თემო ახლა კვიპროსის უპირველს გუნდს, ქვეყნის ეროვნულ ნაკრებს უძღვება. რაც შეეხება არველაძეს, ძალიან დიდია იმის ალბათობა, რომ მან ადგილობრივი „ომონია“ ჩაიბაროს. კლუბს დიდი ამბიციები აქვს, მაგრამ სეზონი აშკარად არასახარბიელოდ დაიწყო და სწორედ ამიტომ, გუნდის თავკაცი რეინ ლენონი გაათავისუფლეს. მის ნაცვლად კი, კვიპროსული მედია სწორედ არველაძეს განიხილავს და ვნახოთ.

რონალდუ გამთარში „მანჩესტერიდან“ მიდის

ყველა დროის ერთ-ერთი საუკეთესო ფეხბურთელი, კრიშტიანუ რონალდუ 37 წლისაა და რაღა თქმა უნდა, ძველებურად ველარ ბრწყინავს. ამის მიუხედავად, პორტუგალიელი შესაშურ ფორმაშია და მსოფლიოს მოახლოებულ ჩემპიონატზე, პორტუგალიის ნაკრებს სწორედ ის უკაპიტნებს. ამისთვის კი სათამაშო პრაქტიკა აუცილებლად სჭირდება, მაგრამ რად გინდა – „მანჩესტერის“ თავკაცი ერიკ ტენ ჰაგი ამის შესაძლებლობას ნაკლებად აძლევს. ინგლისის პრემიერ-ლიგის ბოლოსწინა ტურში, „მანჩესტერი“ „ტოტენჰემს“ ამარცხებდა და მწვრთნელმა მოედანზე კრიშტიანუს შეშვება განიზრახა, თუმცა 87-ე წუთზე ანუ დროის გასაყვანად მინდორზე შესვლა თავად პორტუგალიელმა იუარა და სტადიონი დემონსტრაციულად დატოვა. ტენ ჰაგმა პრესკონფერენციაზე განაცხადა, ამ პრობლემას ერთ დღეში მოვაგვარებო და... რონალდუ გუნდიდან მოკვეთა, ბოლოს გამართულ ტურში კი, „ჩელსის“ წინააღმდეგ, სამატჩო განაცხადშიც არ შეიყვანა.



უდიდესი ალბათობით, პორტუგალიელი „მანჩესტერს“ ზამთარში დატოვებს და მისი შეძენის სურვილი უკვე გამოთქვა „ჩელსიმ“. თანაც, ახალ გუნდში გადასვლასთან ერთად, რონალდუ მზადაა, ხელფასი საგრძნობლად დაიკლოს და სანაცვლოდ, ხშირად თამაშის გარანტია მიიღოს.



ბითაძემ NBA-ში კარიერის მატჩი ითამაშა

ამერიკული საკალათბურთო ასოციაციის მორიგ ტურში, გოგა ბითაძის „ინდიანა“ „დეტროიტს“ უმასპინძლა და თვალსაყვირ ბრძოლაში 124:115 დაამარცხა. შეიძლება ითქვას, რომ თავის ამერიკულ კარიერაში, სწორედ ეს შეხვედრა იყო გოგა ბითაძესთვის საუკეთესო.

ქართველმა პარკეტზე 25.23 წუთი გაატარა და ამ დროის განმავლობაში, მეტოქეს 14 ქულა ჩაუგდო, 15 ბურთი მოუხსნა (8 შეტევაში), 4 შედეგიანი გადაცემა გააკეთა, ერთი ბურთი ჩაჭრა და ერთხელაც დააფარა. საინტერესოა, რომ გოგას საჯარიმოების ტყორცნის 100%-იანი მაჩვენებელი ჰქონდა – მან ხუთიდან, ხუთივე საჯარიმო ჩააგდო.

ორმაგი სტანდარტი თუ სასაცხილო სანქციები

22 ოქტომბერს, აბუ დაბიში, UFC-ის მსუბუქი წონის ჩემპიონი ჩარლზ ოლივეირა, ჩეჩენმა მებრძოლმა ისლამ მახაჩევა დაამარცხა და ჩემპიონის ქამარიც აართვა. ეს შეხვედრა ჩვენი გაზეთის ყურადღების ცენტრში არანაირად არ მოხვედებოდა, რომ არა ერთი საინტერესო რამ. შეხვედრის შემდეგ, ჩეჩენთის დელეგაციის წარმომადგენლებმა ერთმანეთში რაღაც ვერ გაიყვეს. განევ-გამონევა ხელის დარტყმითაც დასრულდა და ამ ყველაფერში ჩართული მსოფლიოს უძლეველი ჩემპიონი, ხაბიბ ნურმაგომელოვიც იყო, მაგრამ...

რეალურად, განევ-გამონევა რამზან კადიროვის შვილის გამო ატყდა, რომელმაც დელეგაციის ერთ-ერთ წევრს რაღაც უთხრა, მან ხელი ჰკრა და დაიწყო... იცით, რა გვანტერესებს? ამერიკამ და ევროპამ კადიროვის ცოლ-შვილი კი არა, ლამის, ძაღლები და ცხენებიც რომ დაასანქცირა, როგორ მოხდა, რომ მისი შვილი გროზნო-სტამბოლი-ბერლინი-აბუ-დაბის ავიარესით ასეთ შეჯიბრზე ჩაფრინდა და ახლა, ევროპაში ერთი კვირით დარჩენასაც აპირებს. როგორც ამბობენ, სანქციების დაწესების შემდეგ, ევროპაში ეს მისი პირველი ვოიაჟი არ არის და რაც მთავარია, ის არა შეცვლილი, არამედ, საკუთარი სახელითა და გვარით მოგზაურობს.



18 წლის ლიზი გობუას გერმანული წარმატების ფორმულა

ელიკა თორთლაძე

18 წლის ქართველმა, ლიზი გობუას გერმანული მსმენელი უკვე არაერთხელ გააოცა – საერთაშორისო მუსიკალური პროექტის, გერმანული Voice-ის ნახევარფინალისტი გახდა და ამჟამად მომდევნო გამოსვლისათვის ემზადება. პირველ ტურში, ე.წ. ბრმა ქასთინგზე, ქართველი კონკურსანტი Etta James-ის სიმღერით – I'd Rather Go Blind-ით წარსდგა ჟიურის წინაშე და უნიკალური ხმით მოხიბლული სამი მწვრთნელის მოტრიალება შეძლო. სწორედ ამ შესრულებით გადადგა ლიზი პირველი ნაბიჯები დიდი წარმატებისკენ. მის სიმღერას არც ქართველი მსმენელი დაუტოვებია გულგრილი... გერმანიაში წასვლა მომღერალმა მოულოდნელად, მამის ავადმყოფობის გამო გადაწყვიტა. სხვა მნიშვნელოვან დეტალებზე, გეგმებსა და ნახევარფინალის სამზადისზე მომღერალი გაზეთ „ვერსიას“ ესაუბრა.

– ლიზი, უკვე ფართო საზოგადოებამ გაგიცნო, შენი გამოსვლით ქართველი მსმენელი ძალიან ამაყობს. „ვერსია“ აქტიურად ადევნებდა თვალს შენს თითოეულ წარმატებულ გამოსვლას. მიაბზე, რა გზა გაიარე ამ წარმატებამდე და როგორ მიიღე გერმანულ Voice-ში მონაწილეობის გადაწყვეტილება?

– სანამ საქართველოდან გერმანიაში გადავიდოდი საცხოვრებლად, აქტიურად ვმონაწილეობდი სხვადასხვა მუსიკალურ კონკურსში, მიმღერია არაერთ კონცერტზე, ჩართული ვიყავი მრავალ მუსიკალურ პროექტში. სიმღერას ჩემს ცხოვრებაში ყოველთვის მნიშვნელოვანი ადგილი ეჭირა. შემდეგ, სრულიად მოულოდნელად, ყველაფერ ამას ჩამოვშორდი და მამის ავადმყოფობის გამო გერმანიაში წამოვედი. აქ კი, რა თქმა უნდა, ისევე ძალიან დიდი სურვილი გამიჩნდა, ჩემი საყვარელი საქმე გამეგრძელებინა. საუკეთესო გზა და შესაძლებლობა, სწორედ გერმანულ „ვოისში“ მონაწილეობა იყო. ყოველთვის ვოცნებობდი, მონაწილეობა მიმელო მსგავს საერთაშორისო პროექტში და მემღერა დიდ სცენაზე. აღნიშნულ პროექტში მონაწილეობის სურვილი ჯერ კიდევ ორი წლის წინ მქონდა, თუმცა იმ დროისთვის გერმანული ენა სრულფასოვნად არ ვიცოდი. ვოკალში საქართველოდან დისტანციურად მამეცადინებდა ჩემი პედაგოგი, მეკო ქავთარაძე. როდესაც მივხვდი, რომ საკონკურსოდ მზად ვიყავი, მხოლოდ ამის შემდეგ გადავადგიე ეს მნიშვნელოვანი ნაბიჯი.

– ტურიდან ტურამდე მომზადება, ცხადია, ძალიან დიდ შრომასა და ენერჯიას მოითხოვს, ალბათ, ამას საკმაოდ დიდი დროც მიაქვს... როგორია შენი სამზადისი სცენაზე გამოსვლისთვის, როგორ უთავსებ სწავლასა და კონკურსში მონაწილეობას ერთმანეთს?

– ბრმა ქასთინგისათვის მომზადებას დიდი დრო არ დასჭირვებია, რადგან შერჩეული რეპერტუარი ჩვენი, თავად მონაწილეების შეთავაზებული იყო. შესაბამისად, კონკრეტულ სიმღერებზე ადრევე ნამუშევარი გვქონდა. მეორე და მესამე ტურებისათვის კი უკვე სიმღერების ახალი ვერსიები იქმნება, კონკურსანტებიც ნყვილდებიან, რაც მეტ დროსა და შრომას მოითხოვს. ორი კვირის განმავლობაში, ყოველ დღე, დილის 08.00 საათიდან ვინყებდით რეპეტიციებს და ხანდახან საღამოს 23.00 საათამდე გვიწევდა ვოკალის პედაგოგებთან მეცადინეობა. სწავლას რაც შეეხება, ხელი აქამდე არ შემშლია, რადგან გამიმართლა და განვლილ ტურებს არდადეგები დავმთხოვე. მართალია, ნახევარფინალის სკოლის გამოცდების პერიოდს ემთხვევა, მაგრამ მაინც დიდი იმედი მაქვს, ხელს არ შემშლის.

– ლიზი, ბრმა ქასთინგის ჩანაწერში ნათლად ჩანს შენი უსაზღვრო ემოცია, როგორი ბედნიერი ხარ იმ მომენტში, როდესაც სამი მწვრთნელი დაინახე, ელოდი ასეთ დიდ წარმატებას?

– სცენაზე გასვლამდე ვნერვიულობდი, რადგან სხვა ქვეყანაში ვარ, აქ სხვა მსმენელია და სხვა გემოვნება აქვთ. მომიბრუნდებოდნენ თუ არა მწვრთნელები, ამაში



როგორ მოხვდა გერმანულ „Voice“-ში და როგორ შეძლო სამი მწვრთნელის შემოტრიალება

დარწმუნებული ნამდვილად არ ვყოფილვარ, რადგან დიდი შანსია, საქართველოში მოენონო საზოგადოებას, სხვა ქვეყანაში – არა. აღსანიშნავია, რომ იმდენად პროფესიონალ ბენდსა და მუსიკოსებთან ერთად ვმუშაობ, ეს კიდევ უფრო მათავისუფლებდა ფიქრისაგან და მხოლოდ იმაზე ვიყავი კონცენტრირებული, ჩემი გამოსვლით სიამოვნება მიმელო. როცა შემობრუნებული მწვრთნელები დავინახე, უზომო ბედნიერების განცდა დამეფუფლა.

– როგორც „ვოისის“ ერთ-ერთი, უკვე წარმატებული კონკურსანტი, როგორ ფიქრობ, რამდენად დიდი კონკურენციაა გერმანულ პროექტში საქართველოსთან შედარებით და რამდენად რთულია, გახდე მისი მონაწილე?

– პროექტში მალალი სტანდარტია, მონაწილეების შერჩევა რთულია. აქ ბევრ ვიდეოჩანაწერს მოითხოვენ, ყურადღება ექცევა გამოცდილებასა და სხვადასხვა პროექტში მონაწილეობას. შეიძლება ითქვას, რომ თითოეული კონკურსანტი პროფესიონალი მომღერალია. შესაბამისად, მიმარჩია, რომ კონკურენციაც დიდაა...

– რამდენად მოგწონს გარემო, სადაც საყვარელ საქმეს აკეთებ?

– გერმანულ „ვოისს“ ჩვენთვის მეგობრული და ძალიან სასიამოვნო გარემო აქვს შექმნილი, არ იგრძნობა დაძაბულობა, არავინ ფიქრობს იმაზე, რომ პროექტს დატოვებს და ეს ძალიან გვიმარტივებს მუშაობას. როდესაც რინგისთვის ვემზადებოდით, ჩვენმა მწვრთნელმა, სტეფანიმ ერთ გუნდად შეგვკრა. ისე გვესაუბრებოდა, რომ კონკურსი ადვილად თამაშად, რომელსაც თავისი წესები აქვს, ამ წესებს კი ვერ შევცვლიდით. ჩვენი მიზანი ერთმანეთის დამარცხება არ ყოფილა, თავიდანვე ორიენტირებულები მხოლოდ და მხოლოდ კარგი შედეგის მიღწევაზე ვიყავით, ეს მიდგომა კი ყოველთვის ამართლებს.

– ლიზი, უშუალოდ რეპერტუარის შერჩევისა და მორგების პროცესი როგორია გერმანულ „ვოისში“ – არსებობს თუ არა ისეთი მოთხოვნები, რომლებიც შესაძლოა, კონკურსანტებისთვის რთულად შესასრულებელი აღმოჩნდეს?

– ჩვენ უმაღლესი დონის პროფესიონალებთან გვაქვს შეხება. რეპერტუარის შერჩევისას, საქართველოს მუსიკალურ პროექტებთან შედარებით, განსხვავება

ნამდვილად იგრძნობა. აქ პედაგოგები მონაწილეების კომფორტზე ზრუნავენ და ამ მხრივ, მართლაც სრული თავისუფლება გვაქვს.

– ამ ეტაპზე, მონაწილეები ძალიან მნიშვნელოვანი ეპიზოდისთვის ემზადებით და ბუნებრივია, იმატებს მღელვარებაც. როგორც ვიცი, ნახევარფინალი უკვე პირდაპირი ეთერით გადაიცემა. დარწმუნებული ვარ, მსმენელი მოუთმენლად ელოდება შენს მომდევნო პერფორმანსს. საინტერესოა, რა ჟანრში წარსდგები ჟიურის წინაშე?

– ნახევარფინალი 28 ოქტომბერს გაიმართება. ჩემს მიერ შერჩეული სიმღერა მიეკუთვნება იმ ჟანრს, რომელშიც აქამდე არასდროს მიმღერია. მაყურებელს ელოდება ძალიან საინტერესო სანახაობა – იხილავს ისეთ მოუს ჩემი მონაწილეობით, რომელიც არასდროს უნახავს. ვნახოთ, როგორ მოენონებათ ჩემი გამოსვლა.

– ალბათ, ადევნებ თვალს ქართველი მსმენელის გამომხაურებებს, სოციალური ქსელი სრულიად მოიცვა შენმა ვიდეოებმა, რას ეტყობი შენს ქართველ გულშემატკივარს?

– ძალიან აქტიურად ვკითხულობ კომენტარებს და უდიდეს მხარდაჭერას ვგრძნობ. მინდა, ქართველ გულშემატკივრებს ვუთხრა, რომ ასეთი გვერდით დგომა და დადებითი ემოციებით, უდიდეს სტიმულსა და მოტივაციას მაძლევენ, რათა კონკურსში გაცილებით უკეთეს შედეგს მივაღწიო. კომენტარების კითხვისას, ცრემლს ვერ ვიკავებდით მე და ჩემი ოჯახის წევრებიც.

– პროექტის დასრულების შემდეგ, როგორ აპირებ კარიერის გაგრძელებას, რა გეგმები გაქვს და აპირებ თუ არა უახლოეს მომავალში საქართველოში ჩამოსვლას?

– წელს სკოლას ვამთავრებ, შემდგომ კი ვაპირებ სწავლის გაგრძელებას – ბერლინში უკვე შევარჩიე ორი უნივერსიტეტი და მათ შორის არჩევანს ვაკეთებ. საქართველოში არდადეგების პერიოდში ვგეგმავ ჩამოსვლას, თუმცა კარიერის მხრივ, ვფიქრობ, აქ ბევრად მეტი შანსი მაქვს პროფესიული ზრდისა და განვითარებისთვის. საქართველო ძალიან მენატრება და აუცილებლად დავბრუნდები.

– ლიზი, მინდა, წარმატებები გისურვო. საქართველოდან გგულშემატკივრობთ და მოუთმენლად ველით შენს მომდევნო პერფორმანსს.

სამეფო ტორტის ნაჭერი აუქციონზე გაიყიდება



ბრიტანელი მონარქის, ჩარლზისა და პრინცესა დიანას საქორწილო ხილის ტორტის ნაჭერი აუქციონზე გაიყიდება. Daily Mail-ის ინფორმაციით, სადღესასწაულო დესერტის ნაჭერი ნაიჯელ რიკეთს აჩუქეს. ის სასახლეში მუშაობდა და სასაჩუქრე შეფუთვაში, ტორტის ამ ნაჭერს სიცოცხლის ბოლომდე ინახავდა. რიკეთსი ამ წლის დასაწყისში გარდაიცვალა. ოჯახის წევრებმა ერთ-ერთი აუქციონის სახლიდან ექსპერტები მიიყვანეს და სახლში არსებული ნივთები შეაფასებინეს. მაშინ აღმოაჩინეს ტორტის ეს ნაჭერიც. მიუხედავად იმისა, რომ დესერტი 41 წლისაა, ის თითქმის არ გაფუჭებულა. შესაძლოა, იმიტომ, რომ მისი მომზადებისას ბევრი ალკოჰოლი გამოიყენეს. ამჟამად, ლოტის ღირებულება 300 გირვანქაა, თუმცა ვარაუდობენ, რომ ის გაცილებით ძვირად გაიყიდება.

„ძილის ტურიზმი“ პოპულარობას იძენს



მთელ მსოფლიოში, სხვადასხვა კურორტებსა თუ სასტუმროებში, ძილზე ორიენტირებული სულ უფრო მეტი სერვისი ჩნდება. ბევრ ტურისტს უბრალოდ სურს, რომ კარგად გამოიძინოს და ასე აღიდგინოს ჯანმთელობა. დასვენების ასეთი ფორმა განსაკუთრებით პოპულარული კორონავირუსის პანდემიის დაწყების შემდეგ გაჩნდა. შედეგად, სასტუმროების ინდუსტრიის ბევრმა მსხვილმა მოთამაშემ ყურადღება გადაიტანა მათზე, რომლებიც გამოიძინებენ ვერ ახერხებენ. მაგალითად, ტურისტებს სთავაზობენ ნომრებს, რომლებიც ინოვაციური ხმის იზოლაციით არიან აღჭურვილნი ან გაუმჯობესებული საწოლები აქვთ, ასევე, სპეციალური პირობებია მედიტაციისა და რელაქსაციისთვის, არის არომათერაპია და ბალახეული სასმელები.

მფრინავი ავტო გამოსცადეს




ელექტრომობილების მწარმოებელმა ჩინურმა კომპანია XPeng-მა, დუბაიში თავისი მფრინავი ავტომობილის პროტოტიპი გამოსცადა. როგორც CNN იტყობინება, ავტოს ერთდროულად ორი მგზავრის გადაყვანა შეუძლია, სიჩქარე კი საათში 130 კილომეტრს აღწევს. მფრინავი მანქანის მოდელი XPeng X2 ჰაერში 90 წამის განმავლობაში იმყოფებოდა. კომპანიის წარმომადგენლების თქმით, მათი ტექნოლოგია ცხოვრებაში გამოყენებისთვის თითქმის უკვე მზად არის, თუმცა, საკანონმდებლო რეგულაციები, რომელიც მფრინავი ავტოს მიმოსვლას შესაძლებელს გახდის, ჯერჯერობით, არ მიუღიათ. კომპანიაში ვარაუდობენ, რომ მგზავრების გადაყვანას ამ მანქანით, წინასწარ განსაზღვრულ სივრცეებში, დაახლოებით, 5 წლის შემდეგ შეძლებენ.

ყველაზე ლამაზი ქალი გამოავლინეს



პლასტიკურმა ქირურგმა ჯულიან დე სილვამ, მეცნიერული მოსაზრებებით, მსოფლიოში ყველაზე ლამაზი ქალების სია შეადგინა. სილამაზის გამოსავლენად, მან ვარსკვლავების სახის პროპორციები „ოქროს კვეთის“ დახმარებით გაზომა. აღმოჩნდა, რომ ამ მეთოდით, ყველაზე პროპორციული სახის ნაკვთები ბრიტანელ მსახიობ ჯოდი კომერს აქვს – მისი შედეგი (94.52%) იდეალურ პარამეტრებს უახლოვდება. მეორე ადგილზეა მსახიობი ზენდია – 94.35%-ით, მესამეზე კი მოდელი ბელა ჰადიდი – 94.35%-ით გავიდა. მომლერალი ბიონსე მეოთხე ადგილზე მოხვდა – 92.44%-ით, მეხუთეზე კი პოპ-შემსრულებელი არინა გრანდია – 91.81%-ით.

მონეტების კოლექცია „ჰარი პოტერს“ მიუძღვნას



„პოტერიანას“ პირველი წიგნის გამოცემიდან 25 წელი გავიდა. ამ თარიღის აღსანიშნავად, დიდ ბრიტანეთში, მონეტების ახალი კოლექცია გამოუშვეს. მონეტებს ინგლისური ზარაფხანა მოჭრის. ჯოან როულინგის წიგნის პერსონაჟების გარდა, მათზე დედოფალ ელისაბედისა და ბრიტანეთის ახალი მეფე ჩარლზის გამოსახულებებიც იქნება. მონეტების ფასი 1.1-დან 5.22 გირვანქა სტერლინგამდე მერყეობს. როულინგის პირველი წიგნი „ჰარი პოტერი და ფილოსოფიური ქვა“ 1997 წელს გამოქვეყნდა.

ჩინოვნიკებს რთული ფრაგები აუკრძალეს



ახალი ზელანდიის პარლამენტმა მიიღო კანონი, რომელიც ჩინოვნიკებს, მოქალაქეებთან კომუნიკაციისას, რთული ლექსიკისა და ვიწრო სპეციალიზაციის ტერმინების გამოყენებას უკრძალავს. ვარაუდობენ, რომ ხელისუფლების წარმომადგენლების მიერ მარტივი ენით ნათქვამს უკეთესად გაიგებენ მიგრანტები, ასევე, დაბალი განათლებისა და ინტელექტის მქონე ადამიანები. ოპოზიციამ „მარტივი ენის კანონი“ გააკრიტიკა და პირობა დადო, რომ ხელისუფლებაში მოსვლის შემთხვევაში, მას გააუქმებს. პოლიტიკოსები თვლიან, რომ ეს აკრძალვა კიდევ უფრო მეტ ბიუროკრატიას შექმნის – ახლა ჩინოვნიკებს თვალ-ყური უნდა ადევნონ და მათი კომუნიკაცია გააანალიზონ.

დედის რძეს კოსმეტიკაში იყენებენ



ერთ-ერთი ამერიკული სპა-ცენტრი საკუთარ კლიენტებს უჩვეულო პროცედურას სთავაზობს – სახის ნიღაბს დედის რძისგან. სპეციალისტების თქმით, ასეთი რძე, უბრალოდ, სასწაულებს ახდენს. ცნობილია, რომ დედის რძე ბავშვის იმუნიტეტს ამაღლებს, იცავს მას ინფექციებისგან, კუჭ-ნაწლავის ტრაქტის დაავადებებისგან, ასთმისგან, აქვს ანტიბაქტერიული და ანტიინფლემური თვისებები. კოსმეტოლოგებიც დარწმუნებულნი არიან, რომ დედის რძე სასარგებლოა უფროსებისთვისაც. როგორც სპა-ცენტრის დამფუძნებელი აცხადებს, ბევრი დედა იყენებს საკუთარ რძეს კოსმეტიკური პრობლემების მოსაგვარებლად, ის ნამდვილი აღმოჩენაა პრობლემური კანისთვის. რძეში ცხიმებისა და საკვები ელემენტების მაღალი კონცენტრაციაა. სპა-ცენტრი ამ მეტად სასარგებლო „ნივთიერებას“ იმ მეტუძური დედებისგან ყიდულობს, რომლებმაც სამედიცინო შემომწმება გაიარეს და დარეგისტრირებულნი არიან დედის რძის ბანკში. ამჟამად „პრეპარატს“ აკნეს, ეგზემას, დამწვრობის შედეგების აღმოსაფხვრელად, ასევე, უბრალოდ, სახის გასაწმენდად იყენებენ.

„ჭკვიანი“ შუშა სმარტფონის მფლობელს ამოიცნობს



ვისკონსინის უნივერსიტეტის სწავლულებმა წარადგინეს მარტივი და გენიალური გამოგონება, რომელიც ახალ დონეზე აიყვანს გამოსახულების ამოცნობის ტექნოლოგიას. ფუნქცია „იცანი პატრონი“ დღეს ბევრ ტელეფონზეა. სიახლე კი ამ მონაცემებს საშუალებას მისცემს, გამოსახულება რამე გადამცემის, მიკროსქემებისა და ხელოვნური ინტელექტის ალგორითმების გარეშე ამოიცნოს. საამისოდ, მკვლევარებმა ნახევრადგამჭვირვალე შუშა გამოიყენეს, რომელშიც განსაზღვრული წესით ჩამონტაჟებულია ჰაერის უმცირესი ბუშტუკები, ასევე, შუქის მშთანთქავი მასალა. გამოგონების ავტორები აღნიშნავენ, რომ „ჭკვიანი“ შუშა სწრაფად მზადდება და არც დიდი ფინანსური ხარჯები სჭირდება. ამასთან, ერთი და იგივე ფრაგმენტი შეიძლება ასობით ათასჯერ გამოიყენოს, რადგან მასალა ხარისხს არ კარგავს.

„ფასტფუდი“ იმუნური სისტემას ანგრევს



გერმანელი სწავლულების მიერ ჩატარებულმა ახალმა კვლევებმა ცხადჰყო, რომ „ფასტფუდი“ ნეგატიურად მოქმედებს ადამიანის ჯანმრთელობაზე და მისი იმუნური სისტემის მუშაობას არღვევს. ბონის უნივერსიტეტის ექსპერტების თქმით, იმუნური სისტემა ისევე რეაგირებს მაღალკალორიულ და დიდი რაოდენობით ცხიმის შემცველ მავნე პროდუქტებზე, როგორც ბაქტერიულ ინფექციებზე და ორგანიზმის დაცვას ააქტიურებს. ერთი შეხედვით, თითქოს, ეს კარგია, მაგრამ გამუდმებით ასეთი დაძაბული მდგომარეობა იწვევს ანთებას, რაც შესაძლოა, ისეთი დაავადებების განვითარების მიზეზი გახდეს, როგორიცაა დიაბეტი და ათეროსკლეროზი. გარდა ამისა, იმუნური სისტემა მაშინაც კი აგრძელებს ანალოგიურად მოქმედებას, როცა ადამიანი კვების ჯანსაღ რაციონზე გადადის. ეს იმას უკავშირდება, რომ თანდაყოლილ სისტემას თავისებური მეხსიერება აქვს.

ქალებს ჰაერის დაბინძურება ასუქავს



ჰაერის დაბინძურება გავლენას ახდენს ქალების წონაზე, სხეულის მასის ინდექსზე, წელის გარშემოწერილობასა და ცხიმდაგროვებებზე. სუსტი სქესის იმ წარმომადგენლებს, რომლებიც გამუდმებით სუნთქავენ მცირე ნაწილაკებით, აზოტის დიოქსიდითა და ოზონით, ორგანიზმში ნაკლები კუთნოვანი მასა და ცხიმის შემცველობა აქვთ. ასეთი დასკვნა ამერიკელმა სწავლულებმა გააკეთეს, მიჩიგანის უნივერსიტეტიდან. მათ სხვადასხვა რასის წარმომადგენელი 1.7 ათასი ქალის მონაცემები გააანალიზეს, რომელთაც რვა წლის განმავლობაში აკვირდებოდნენ. დაბინძურებული ჰაერის გამო, ქალების სხეულში 5%-ით მეტი ცხიმი დაგროვდა. მავნე ატმოსფერული ნაწილაკების გავლენის კომპენსირება ფიზიკური აქტივობითაა შესაძლებელი – აცხადებენ მკვლევარები.

ნიაგარაში ოქროს თევზი დაიჭირეს



ნიუ-იორკის შტატის არაკომერციული ორგანიზაცია Buffalo Niagara Waterkeeper-ის წევრები, რომლებიც წყლის რესურსების დაცვით არიან დაკავებული, მოუწოდებენ მოსახლეობას, უნიტაზში არ ჩარეცხონ აკვარიუმების ბინადრები. რამდენიმე დღის წინ, ერისა და ონტარიოს ტბების შემაერთებელ მდინარე ნიაგარაზე, გამწმენდ ნაგებობასთან ახლოს, მათ დიდი ზომის – 35-სანტიმეტრიანი ოქროს თევზი დაიჭირეს. ის სადრენაჟე სისტემაში იყო გაჭედული. ჩვეულებრივ, ასეთი თევზი იქ არ ბინადრობს, უბრალოდ, ის ვიდაცამ გადაადგო. ეს თევზები მდინარის წყალში მთელი წელი ცხოვრობენ და ანადგურებენ ეკოსისტემას. თუკი მოგებზრდათ თქვენი ოქროს თევზი, ნუ გადაადგებთ ან ჩარეცხავთ მას, ის ზოომალაზიაში დააბრუნეთ, – მოუწოდებენ მოსახლეობას ორგანიზაციის წევრები.

ბოსტნეულის კაფსულებს ამზადებენ



ისრაელის კომპანია FoodTech ANINA Culinary Art, უნიკალურ მზა კერძებს უშვებს, რომელიც, ეგრეთ წოდებული, „მახინჯი“ ბოსტნეულისგან, კაფსულების სახითაა დამზადებული. მას მხოლოდ მიკროტალღურ ღუმელში გაცხელება სჭირდება და სადილიც მზადაა. ამ გზით, კომპანია ინოვაციური ტექნოლოგიების, დიზაინის სფეროში გამოცდილებისა და კულინარიის ცოდნის წყალობით, საკვების ნარჩენების შესამცირებლად იბრძვის და გვაჩვენებს, რომ ულამაზო პროდუქტების გადამუშავებით, ჯადოსნური და გემრიელი კერძების მომზადება

შეიძლება. კაფსულის გარე გარსი გამშრალი ბოსტნეულის ან ხილისგან შედგება, შიგნითაა ნაწილი კი სხვადასხვა

ნატურალურ პროდუქტს შეიცავს, რომლებიც რეცეპტების მიხედვით იცვლებიან. ერთ-ერთი ყველაზე პოპულარულია Pasta Primavera (ბოსტნეული, იტალიური ბალახეული და მაკარონი), ასევე, ხმელთაშუა ზღვის ჯამი (ბოსტნეული, ბულგური და შავი ოსპი) და ვიეტნამური ჯამი (ბრინჯის ლაფშა და ბოსტნეული). ყოველი კაფსულა შეიცავს მცენარეულ საკვებს, რომელიც მდიდარია ცილებით, უჯრედისით, საღებავისა და კონსერვანტების გარეშე. ეს ადამიანის კვების დღიური ნორმის 40%-ს შეადგენს. ისრაელში წარმატებული სტარტის შემდეგ, კომპანია მის განვითარებას სხვა ქვეყნებშიც გეგმავს.



ეკოსანვავი ბოცვრების ექსკრემენტებისგან



იაპონელები სულ მალე შექმნიან სანვავს, რომლისთვისაც ბოცვრების ექსკრემენტებს გამოიყენებენ, – ამის შესახებ ავიაკომპანია All Nippon Airways-მა განაცხადა. ასეთი სანვავის მისაღებად გამოიყენებენ მეტალურგიული ნარმოების გადამუშავებულ ნარჩენებს, რომელსაც ეთანოლად ბოცვრების ექსკრემენტების დახმარებით გარდაქმნიან. ეთანოლს კი უკვე ავიასანვავად აქცევენ. ასე რომ, ახალი რესურსებდამზოგველი სანვავი ნახევრად ორგანული იქნება. ასეთი თანამედროვე სახის სანვავი საშუალებას მოგვცემს, შევამციროთ ჰაერში გამონაბოლქვი, – აცხადებენ ავიაკომპანიაში. ახალ ნედლეულს ამ შემოდგომაზე დატესტავენ, ბაზარზე კი მისი გამოსვლა მომავალი წლისთვის იგეგმება.

თაფლი გულის შეტევისგან იცავს



თაფლის სამკურნალო თვისებებს, რაც კაცობრიობისთვის ათასწლეულების განმავლობაშია ცნობილი, კიდევ ერთი მიემატა – ვაშინგტონის უნივერსიტეტის სწავლულებმა აღმოაჩინეს, რომ ნატურალური შაქარი, რომელსაც თაფლი შეიცავს, გულის შეტევებს აღკვეთს. სპეციალისტების თქმით, შაქარი, რომელიც ტრეგალოზას სახელითაა ცნობილი, ააქტიურებს ცილას, რომელიც, თავის მხრივ, იმუნური სისტემის სტიმულირებას ახდენს, რის შედეგადაც არტერიებიდან ცხიმის ნადები გამოიდევენება. ეს ნადები, შესაძლოა, ჰიპერტონიის, გულის დაავადებებისა და გულის შეტევის მიზეზი გახდეს. ექსპერტები აღნიშნავენ, რომ ტრეგალოზას შეიცავს სოკო და ზღვის პროდუქტები.

სახლის გათბობა ლუდით გადაწყვიტეს



ავსტრიის ქალაქ შვეხატში ახალ საცხოვრებელ სახლს აშენებენ, რომლის გათბობასაც ლუდის დახმარებით აპირებენ. 900-ბინიანი სახლი ძველი ლუდსახარშის ტერიტორიაზე შენდება, მისგან ას მეტრში კი ქარვისფერი სასმელის თანამედროვე ქარხანაა, რომელიც ახალი სახლის მოზინადრებისთვის სითბოს მიმწოდებელი უნდა გახდეს. გათბობისთვის ქარხნის გადაუმუშავებელ სითბოს გამოიყენებენ, რაც სარგებელს მოუტანს საზოგადოებასაც და ეკოლოგიასაც. აღსანიშნავია, რომ ორი წლის წინ, ერთ-ერთმა ავსტრიულმა ლუდის ქარხანამ წარადგინა სახლის გათბობის პროექტი, რომელიც ლუდის დამზადებისას, დადუღების სითბოს გამოყენებას გულისხმობდა. მათი ჩანაფიქრით, ლუდის კასრებიდან გამომუშავებული სითბო პირდაპირ საცხოვრებელ კვარტალში მიდიოდა.

სიმსუქნე სიცოცხლეს ახანგრძლივებს?



ჭარბი წონის მქონე ადამიანები, რომელთაც გულ-სისხლძარღვთა დაავადებები აწუხებთ, უფრო დიდხანს ცოცხლობენ, ვიდრე ამავე დაავადების მქონე ნორმალური წონის ადამიანები. ასეთ პარადოქსულ დასკვნამდე ამერიკელი მეცნიერები მივიდნენ. ისინი 7.5 წლის განმავლობაში, 6 876 ვეტერანს აკვირდებოდნენ, რომელთაც გულის დაავადებები აწუხებდათ. მკვლევართა მონაცემებით, ამ პერიოდში, ექსპერიმენტში მონაწილე მამაკაცთა 23% გარდაიცვალა. მეცნიერებმა მონაცემები ისეთი ფაქტორების გათვალისწინებით გააანალიზეს, როგორებიცაა შაქრიანი დიაბეტი და არტერიული ჰიპერტონია. აღმოჩნდა, რომ ჭარბი წონის მქონე პაციენტებში სიკვდილის რისკი 35%-ით ნაკლები იყო, ვიდრე ნორმალური მასის მქონე ავადმყოფებში. ახალ მონაცემებს უფრო ადრინდელი კვლევების შედეგებიც ამყარებს. კერძოდ, დადგინდა, რომ ჭარბი წონა სიცოცხლეს უზანგრძლივებს გულის უკმარისობის მქონე ადამიანებს და მათაც, რომლებმაც სისხლძარღვების კორონარული შუნტირების ოპერაცია გადაიტანა. თუმცა, უნდა აღინიშნოს, რომ სიმსუქნის სასიკეთო გავლენის მიზეზები ჯერ კიდევ უცნობია. ისიც უნდა ითქვას, რომ ამერიკელ მეცნიერთა გამოკვლევის შედეგები არ ნიშნავს, თითქოს, ზედმეტი წონა სასარგებლოა ჩვენი ჯანმრთელობისთვის. არ არის გამორიცხული, რომ მსუქან პაციენტებს სამკურნალო პრეპარატების დიდ დოზას უნიშნავენ, ან სასიკეთო როლს სხვა ფაქტორები ასრულებენ.

ტატუ კიბოს დიაგნოსტიკისთვის



სწავლულებმა ბიოსამედიცინო ტატუ შექმნეს, რომელსაც ადრეულ სტადიაზე სიმსივნის ზოგიერთი სახეობის დიაგნოსტიკა შეუძლია. ავტორები შვეიცარიელი მკვლევარები არიან, ბაზელისა და ციურიხის უნივერსიტეტიდან. მეთოდიკა, რომელიც მელანინის გამოყოფაზე დაფუძნებული, ლაბორატორიულ ღორებსა და თავგებზე გამოსცადეს. კანზე დატანილი ტატუ-სენსორი ადამიანის ორგანიზმში ჰიპერკალციემიას გამოავლენს, რაც ონკოლოგიის არსებობის ერთ-ერთ ინდიკატორად ითვლება. სისხლში კალციის მაღალი შემცველობისას, მელანინის გამომუშავების გავლენით, ტატუ მუქ შეფერილობას იღებს. სპეციალისტთა მოსაზრებით, შესაძლოა, ასეთი ტატუ ონკოლოგიის მკურნალობისას, კონტროლის არაინვაზიურ მეთოდად გამოიყენონ.

სალექი რეზინი ილღიებისთვის



ცნობილმა ბრენდმა – Rexona განაცხადა, რომ ინოვაციური ანტიპერსპირანტი გამოუშვა სალექი რეზინის სახით. „ჩვენ გთავაზობთ დეზოდორის ეფექტურ და მაქსიმალურად მოხერხებულ ალტერნატივას – სალექი რეზინის ილღიებისთვის ანტიბაქტერიული ეფექტით. მსოფლიოში პირველი ანტიპერსპირანტი კომპაქტური კაფსულაა, მეტად რბილი ნანომასალით, რომლის ცენტრშიც სითხეა“, – აცხადებენ კომპანიის წარმომადგენლები. მათი თქმით, ამ სალექი რეზინის ერთ-ერთი მთავარი ღირსება ისაა, რომ ყოველთვის შეძლებთ, გარშემომყოფებს შესთავაზოთ და კორექტულად გადაწყვიტოთ უსიამოვნო სუნის პრობლემა. Rexona-ს ახალი საშუალება ილღიაში უნდა ამოიღოთ და ცოტათი გაჭყლიტოთ, რათა კაფსულადან ანტიბაქტერიული გელი გამოვიდეს, რომელიც 90%-ით ანადგურებს უსიამოვნო სუნის წარმომშობ ბაქტერიებს. სალექი რეზინის ეფექტი 24 საათს გრძელდება. როგორც ფირმის წარმომადგენლები აცხადებენ, ანტიპერსპირანტი ბერგამოტის, კენკრის, ეგზოტიკური სანელებლებისა და მანდარინის არომატით გამოვა.

სწავლა სიბერემდე



იტალიელმა მამაკაცმა, რომელმაც სწავლას თავისი ცხოვრების უდიდესი ნაწილი მიუძღვნა, 76 წლის ასაკში მათე უმაღლესი განათლების მიღება მოახერხა. სამხრეთ აპენინების ქალაქ ტროას მცხოვრები ლეონარდო ალტობელი, ცოტა ხნის წინ, ბიოტექნოლოგიის დიპლომირებული სპეციალისტი გახდა. ალტობელი, რომელიც მანამდე ოჯახის ექიმად მუშაობდა და მშობლიური ქალაქის მერობაც მოასწრო, დღის დიდ ნაწილს წიგნებთან ატარებს, თუმცა მანიაკალურად არ მეცადინეობს. „ვსწავლობ მხოლოდ მაშინ, როცა გამოცდა მაქვს ჩასაბარებელი. თავისუფალ დროს კი სხვა გატაცებებს ვუთმობ“, – ამბობს ლეონარდო. პირველი უმაღლესი განათლება მან მედიცინის სფეროში მიიღო, შემდეგ დაამთავრა უნივერსიტეტი იურისპრუდენციის, პოლიტიკური მეცნიერების, ლიტერატურის, ფილოსოფიის, აღმზრდელობითი მეცნიერებების, სოფლის მეურნეობის, ტურიზმის, ისტორიის, საზოგადოებათმცოდნეობისა და ბოლოს, ბიოტექნოლოგიის სპეციალობებით. ამის მიუხედავად, ალტობელი მიღწეულით დაკმაყოფილებას არ აპირებს და არ გამოორიცხავს, რომ სწავლას ღრმა სიბერემდე გააგრძელებს.

მონევის შედეგები მემკვიდრეობით გადადის



ისეთი მავნე ჩვევა, როგორც თამბაქოს მოწევა, გარკვეულ ანაბეჭდს ტოვებს გენეტიკურ შემადგენელზე. შესაძლოა, მონევის შედეგები თაობიდან თაობას გადაეცეს. მაგალითად, იმ ქალის შვილიშვილი, რომელიც თავგამოდებული მწვეელი იყო, შესაძლოა, ასთმით დაავადდეს, – ასეთ ვარაუდს გამოთქვამენ ამერიკელი მეცნიერები, ლოს-ანჯელესის ბიოსამედიცინო კვლევითი ინსტიტუტიდან. მათ მიერ ჩატარებული კვლევებით დადგინდა, რომ ნიკოტინი თავისებურ ნაკვალევს ტოვებს ადამიანის გენომზე. ცდები ლაბორატორიულ თავგებზე ჩატარდა. ფეხმძიმე მღრღნელებს აძლევდნენ ნიკოტინს, რის შემდეგაც გაირკვა, რომ მათი შთამომავლობა ასთმის განვითარებისკენ იყო მიდრეკილი. ისიც უნდა აღინიშნოს, რომ პათოლოგიური გენი შემდგომ თაობასაც გადაეცემოდა მიუხედავად იმისა, რომ ისინი არ იყვნენ ნიკოტინის ზემოქმედების ქვეშ. ჩატარებული კვლევა კიდევ ერთი დასტურია იმისა, რაც ადრე კალიფორნიელმა სწავლულებმა გამოავლინეს: ბებიების მავნე ჩვევის შედეგები მათი მომავალი შვილიშვილებს ჯანმრთელობაზე ახდენს გავლენას. სტატისტიკის მიხედვით, მსოფლიოში, დაახლოებით, 250 მილიონი მწვეელი ქალია. ფეხმძიმობის პერიოდში კი მათი 12% კვლავ აგრძელებს სიგარეტის მოწევას.

ვერსია
 მისამართი: ქ.თბილისი, სანკტ-პეტერბურგის ქ. 7.
 UDC(უაკ)070.48.32(479.22)3-387

დაფუძნებული და მთავარი რედაქტორი
 მაია ფურცელაძე (599) 62-88-77
 დირექტორი – გიორგი ლომსაძე
 e-mail: versiaprinti@yahoo.com www.versia.ge
 ტელ: +995 32 294 23 99

ISSN 1987-8699

დაცულია საავტორო უფლებები.
 რედაქციაში შემოსული
 მასალები უკან არ ბრუნდება.
 სტატიაში მოყვანილ ფაქტებსა
 და ინფორმაციის სიზუსტეზე
 პასუხს აგებს ავტორი. პრეტენზიის
 შემთხვევაში დაგვიკავშირდით
 14 დღის განმავლობაში.